






資治通鑑綱目卷之四十

起辛丑唐太宗貞觀十五年 凡二十一年 盡辛酉唐高宗龍朔元年

丑辛

十五年春正月以文成公主嫁吐蕃



吐蕃復遣其相祿東贊來請昏上嘉其善應對欲以  
 邪公主外孫段氏妻之辭曰臣國中有一婦父母所聘不  
 可棄也且贊普未得謁公主陪臣何敢先娶上益賢之  
 然欲撫以厚恩竟不從其志命江夏王道宗持節送文  
 成公主于吐蕃贊普大喜慕中國衣服儀衛之美為公  
 主別築城郭宮室而處之其國人皆以諸塗面公主惡  
 之贊普禁之亦漸革其猜暴之性遣子弟入國學受詩  
 書胡氏曰祿東贊雖夷狄然知敬父母之命守仇讎之  
 情則當聽其義成其美乃中國禮義也

也左傳不能質實吐蕃西域羌屬注見貞觀八年琅邪  
 庇其仇讎

年公主高祖之女段綸之妻注見晉安帝隆安五年陪  
 臣注見漢武帝元朔二年文成郡名注見陳宣帝太建



五年定陽

**書法**

前書吐蕃寇松州矣其敗之其請昏皆不書特

**發明**

自漢高祖誤聽妻敬之言結昏匈奴後世遂以

聰明之冠古動以帝王為法况乎中國方強四夷歛

恥哉自是而後遂為唐家故事不可復止是皆失於

則見其有不得已之意於唐直書以文成公主嫁吐蕃

矣惜哉

**如洛陽宮考異**

如帝字上漏

夏四月詔以來年二月有事於

**泰山質實**

泰山注見秦始皇二十八年

命太常博士呂才刊定陰陽

**雜書**

上以近世陰陽雜書訛偽尤多命太常博士呂才刊定

上之才皆為之叙質以經史其序宅經曰近世巫覡妄

分五姓如張王為高武庾為羽似取諧韻至於以柳為

宮以趙為角又復不類或同出一姓分屬宮商或複姓

數字莫辨微羽此則事不稽古義理乖僻者也叙祿命

曰祿命之書多言或中人乃信之然長平坑卒未聞共

犯三刑南陽貴士何必俱當六合今亦有同年同祿而

貴賤懸殊共命共胎而夭壽更異此皆祿命不驗之著

明者也其叙葬曰古者卜葬蓋以朝市变迁泉石交侵

窮達壽夭皆因卜葬所致按禮天子諸侯大夫葬皆有

月數是古人不擇年月也春秋九月丁巳葬定公兩不

克葬戊午日下曷乃克葬是不擇日也鄭葬簡公司墓

之室當路毀之則朝而寔不毀則日中而寔子產不毀

是不擇時也古之葬者皆於國都之北兆域有常處是

不擇地也今以妖巫妄言遂於擗踊之際擇地選時以



希富貴或云辰日不可哭泣遂莞爾而對弔客或云同  
屬忌於臨墻遂吉服不送其親傷教敗禮莫斯為甚識  
者以為**集覽**長平坑卒秦將白起攻趙時趙軍長平秦  
確論殺其將趙括坑其降卒四十萬事在周報  
王五十五年南陽貴士漢光武時彭寵李通鄧晨來歙  
鄧禹岑彭賈復吳漢陳俊任光朱祐杜茂馬成馬武劉  
隆韓歆趙熹張堪馮魴蔡少公李軼李守尹敏等皆南  
陽人並貴士也司墓之室鄭掌公墓大夫徒屬之家  
**質實**呂才博州清平人巫覡注見漢隱帝乾祐三年龜  
筮龜注見漢武帝元平元年筮撰者以占也擗踊  
注見宋孝武帝大明六年莞爾小笑貌

五月有星孛于太微詔罷封禪**質實**星孛于太微星孛注見漢後主建興十四

年太微注見漢景帝後三年從褚遂良之請也

**書法**書罷封禪何譏也罷之矣何譏焉罷以星變則可譏矣綱目書罷封三太宗之封泰山以星孛

罷是年高宗之封嵩山以有疾罷弘道元年玄宗之封西嶽以祠災罷天寶九載皆譏也終綱目書孛五十三詳漢王邦三年舍是無書者矣

### 起復于志寧為太子詹事

詹事于志寧遭母喪起復舊職太子治宮室妨農功好鄭衛之樂寃昵宦官後使司馭不許分番私引突厥入宮志寧上書切諫太子大怒遣刺客張師政紇于承基殺之二人入其第見志寧寢處苦塊竟不忍殺胡氏曰太子之於詹事學為父子焉孝為君臣焉太宗使志寧輔導太子而奪其喪豈其未之思欤然志寧不能力辭乃以無事之時從金革之例冒哀居官則何以訓太子乎宜太子之不納其諫也然太子之欲殺志寧則是刺客之不如矣其**集覽**奪其喪記雜記君子不奪人之喪不能終宜哉**質實**注重喪禮也又亦不可奪喪也注不可以輕之於已也以無事之時從金革之例謂于志寧遭母喪而起復為太子詹事不可與從金革危急之事一例論也金革之事注見晉元帝永昌元年又注見唐德宗貞元十三年**質實**詹事官名注見高祖



武德七年寢處苦塊注  
見陳宣帝太歲六年

**書法**

未有書起復者據袁粲不書書起復何譏也非

以舊職起復而書若新職者所以志其非金革也書

起復始此終綱目書起復七是年于志寧玄宗開元

二十一年張九齡德宗貞元十三年張茂宗憲宗元

和四年盧從史長慶元年田布昭宗天復二年帝貽

範五代戊申年史弘肇皆

譏也免者其惟田布乎

**發明**

志寧奪喪處職而苦塊自若則是未嘗免喪也

故書起復志寧而不書志寧起復則罪太宗之

意為多而罪志寧之意為少然志寧既知其非

禮曷若堅辭不就則免君子之譏矣

西突厥吐陸可汗殺沙鉢羅可汗○遣職方郎中陳大德

使高麗

大德初入其境欲知山川風俗所至城邑以綾綺遺其

守者遂得遊歷見中國人隋未從軍役於高麗者因問

親戚存沒大德曰皆無恙咸涕泣相告數日後隋人望

之而哭者徧於郊野大德歸言於上上曰高麗本四郡

地耳吾發卒數萬取之不難但山東州縣彫瘵未復吾

不欲勞之耳范氏曰大德出使絕域當布宣德澤以懷

遠人使聲教所及無思不服而以賂遺

詭詐為謀於外國失使之職豈不辱乎

漢武帝元封二年朝鮮山東道

名注見宋文帝元嘉二十五年

**書法** 使書名美也此其美之款譏也然則其具官何

非使人之體矣啓太宗征遼之卒者大德也故

書譏之終綱目使書名三十二詳漢高帝五年

冬十一月以李世勣為兵部尚書

并州長史李世勣在州十六年令行禁止民夷懷服上

曰隋煬帝勞百姓築長城以備突厥卒無所益朕惟置

李世勣於晉陽而邊塵不驚其

**質實**

并州注見齊明帝

為長城豈不壯哉因有是命

名注見周威烈

**質實**

建武三年晉陽縣

王二十三年



薛延陀攻突厥遣李世勣等將兵討破之

**考異**

討當

**考證**

世勣當去世

字討當作擊

薛延陀真珠可汗聞上將東封曰天子封太山邊境必  
 虛我以此時取思摩如拉朽耳乃命其子大度設發諸  
 部兵合二十萬擊突厥思摩不能禦帥部落入長城保  
 朔州遣使告急詔遣世勣等分道擊之諸將辭行上戒  
 之曰薛延陀負其疆盛踰漠而南行數千里馬已疲瘦  
 見利不能速非不利不能速退吾已敕思摩燒薊秋草  
 彼糧糗日盡野無所獲卿等俟其將退與思摩一時奮  
 擊破之必矣十二月世勣敗薛延陀於諾真水斬首三  
 千餘級捕虜五萬餘人大度設脫身走值

**集覽** 燒薊記  
 大雪人畜凍死者什八九世勣還軍定襄  
 謂大兩時行燒薊行水利以殺草注薊  
 謂迫也受草也薊他計及又直履反

**質實** 一統志云  
 同府北一十里秦築土色皆紫又曰紫塞湖州注見  
 漢高帝六年馬邑定襄縣名注見晉懷帝永嘉六年

**書法** 夷蠻相攻恒也擊之過也書討何思摩唐所立  
 也延陀既奉詔矣於是又違詔而攻之則罪也

故書

**寅**

十六年春正月魏王泰上括地志

泰好學司馬蘇勗說泰以古之賢王皆招士著書故泰  
 奏請修括地志於是大開館舍門庭如市至是上之  
 泰月給瑜於太子緒遂良上疏曰聖人制禮廢子雖愛  
 不得踰嫡所以塞嫌疑之漸除禍亂之源也若當親者  
 踈當尊者卑則伎巧之姦乘機而動矣今魏王新出閣  
 宜示以禮上從之上又令泰徙居武德殿魏徵曰此殿  
 海陵昔嘗居之陛下愛魏王常欲使之安全宜每  
 抑其驕奢不可處之嫌疑之地也

**質實** 齊王元吉伏誅謚為海陵王故云

書法

獻文不書此何以書譏寵過也於是泰請招士

徙死罪者實西州

**質實**

西州注見齊明帝

括浮民附籍

以岑文本專知機密



**書法**

知機密是

夏六月詔太子用庫物有司勿為限制

詔太子用庫物有司勿為限制於是太子發取無度左庶子張玄素上太子書曰恩旨未踰六旬用物已過七萬驕奢之極孰云過此若藥利病苦言利行伏惟居安思危日慎一日太子惡之令戶奴陰伺擊之幾斃胡氏曰按周官內府膳夫酒正有王及后世子不食之文以愚度之非武王周公之法也夫日用之切身者莫大乎膳服而易以溺人者莫若酒今以尊貴之故惟意所取不限多少則珠襦玉食長夜之飲由此起矣豈聖人節以制度自家刑國之道哉或者以為冢宰之職量入為出得以九式佐王均節財用是以雖曰不食而會在其中也太宗之詔蓋不考於此而失之諸賢在朝亦不聞以為不

**集覽**

後世子之膳不食酒正唯王及后之飲酒

不會外府唯王及后之服不會注不會計多少優尊者其頒賜諸臣則計之也會古外反九式佐王禮天官太宰以九式均節財用一曰祭祀之式二曰賓客之式三曰喪荒之式四曰羞服之式五曰工事之式六曰幣帛之式七曰芻稌之式八曰匪頒之式九曰好用之式

**書法**

**發明**

漢武帝誤用公羊復讐之說而窮征伐王安石用古其弊必至於此夫貴不與驕期而驕自至富不能與奢期而奢自至於此夫貴不與驕期而驕自至富不能之情見有餘則必不顧惜見不足則必裁約之况乎志欲無涯苟非有以樽節而限制之則亦何所不至賢如太宗乃過愛其子至詔有司用物勿為限制此則誤用周官世子不食之說也彼承乾者德性非良一承此旨是納之於奢修縱欲之域耳夫六典之書其可用於後世者尚多太宗未能率行一二乃獨取

**實**

宣帝太建九年

承乾不子太宗有以

漢武帝誤用公羊復讐之說而窮征伐王安石

漢武帝誤用公羊復讐之說而窮征伐王安石

漢武帝誤用公羊復讐之說而窮征伐王安石

漢武帝誤用公羊復讐之說而窮征伐王安石

漢武帝誤用公羊復讐之說而窮征伐王安石



其不會之說以陪乃子於過惡之地此則不善用聖  
經之過也綱目於此特以詔太子書之言詔則責有  
所歸矣  
惜哉

秋七月以長孫無忌為司徒房玄齡為司空○九月以魏  
徵為太子太師

初魏徵有疾上手詔問之且言不見數日朕過多矣若  
有聞見可封狀進來徵上言此者弟子陵師奴婢忽主  
下多輕上漸不可長又言陛下臨朝常以至公為言退  
而行之未免私僻或畏人知橫加威怒欲蓋彌彰竟有  
何益徵宅無堂上命輟小殿之材以構之五日而成仍  
賜以素屏褥几杖等以遂其所尚徵上表謝上手詔曰  
虞卿至此蓋為黎元與國家何事過謝會上問侍臣以  
國家急務褚遂良曰太子諸王宜有定分此為最急時  
太子承乾失德魏王泰有寵群臣日有疑議故遂良對  
及之上乃曰方今群臣忠直無踰魏徵我遣傳太子用  
絕天下之疑乃以徵為太子太師徵以疾辭上曰知公  
疾病可用護之徵乃受詔范氏曰太子徵以疾辭上曰知公

有黨太宗使徵為太子師以重太子也兄弟危疑之際  
嫡庶之別訓太子以禍敗之戒處父子兄弟危疑之際  
依違而已豈其疾之老乎卒之身沒而見疑諛人得以  
間之惜哉○上嘗謂侍臣曰朕雖平定天下其守之甚  
難徵對曰臣聞戰勝易守勝難陛下之言及此宗社  
稷之福也○上嘗問徵比來朝臣殊不論事何也對曰  
陛下虛心采納必有言者凡臣狗國者寡愛身者多彼  
畏罪故不言耳○房玄齡高士廉遇少府少監竇德素  
於路問北門近何營繕德素奏之上怒讓玄齡曰君  
但知南牙政事北門小營繕何預君事玄齡拜謝魏  
徵進曰玄齡等為陛下股肱耳日於中外事豈有不應  
知者使所營是則當助成之非則當請罷之不知何罪  
而責亦何罪而謝也上甚愧之○上嘗問侍臣曰或君  
亂而臣治或君治而臣亂孰愈魏徵對曰君治則善惡  
明賞罰當臣安得而亂之苟為不治縱暴悞諫雖有良  
臣將安所施上曰齊文宣得楊遵彥非君亂而臣治乎  
對曰彼總能救亡  
耳烏足為治哉  
名而名反彰露也  
稱北門南牙唐分宰相為南司故稱南牙  
集覽  
蓋而名章言為惡者欲掩蓋其  
宣齊文







士及叩頭謝至是卒謚曰縱荒氏曰大禹曰何畏乎巧言令色孔壬孔子曰佞人殆夫佞人者止於諛悅順從而而已而近之必至於殆何也彼佞人者不知義之所在而惟利之從故也利在君父則從君父利在權臣則附權臣利在敵國則交敵國利在我狄則親我狄忠臣則不然從義而不從君從道而不從父使君不陷於非義父不入於非道故雖有所不從將以處君父之安也君有不義不從也而况於權臣乎父有不道不從也而况於他人乎古之佞者其始未必有悖逆之心及其患失則無所不至故終至於弑君而亡國是故堯舜畏之而孔子以為殆人君可不遠之乎

**書法**

裴寂書卒而已士及佞人也具官卒之何見帝之寵愛終其身也是故譏寡恩則裴寂止書卒而不為貶譏寵佞則士及具官卒而不為褒網目之旨深矣

**發明**

當時佞人如封倫裴寂單卒綱目皆創其官今乃不能斥而遠之故綱目於其卒也反書其爵以著太宗不能去佞之失此正古人所謂惡惡不能去者

夫豈以是予士及哉綱目之微詞奧義如此要在觀者深考而默察之則得矣

**許以新興公主嫁薛延陀**

上謂侍臣曰薛延陀屈疆莫比今御之有二策苟非發兵殄滅之則與之婚姻以撫之耳房玄齡對曰兵凶戰危臣以為和親便先是契苾何力歸省其母於涼州會契苾部落皆欲歸薛延陀何力不可部落執之以降何力拔佩刀東向大呼曰豈有大唐烈士而受屈虜庭因割左耳以自誓上聞契苾叛曰何力心如鐵石必不叛我會禮使薛延陀來具言其狀上即命兵部侍郎崔敦禮持節使薛延陀許以新興公主妻之以求何力何力由是得還

**書法**

綱目書以公主嫁外國九詳漢景帝五年未有

八年西突厥請昏許之無故而許之無故而絕之帝之失大矣故下書薛延陀來納幣詔絕其昏皆譏失信也



十一月高麗泉蓋蘇文弒其王建武

高麗東部大人泉蓋蘇文凶暴多不法其王及大臣議誅之蓋蘇文知之勒兵盡殺諸大臣因馳入宮手弒其王立王弟子藏為王自為莫離支其官如中國吏部尚書也蓋蘇文狀貌雄偉意氣豪逸身佩五刀左右莫敢仰視亳州刺史裴思莊奏請伐高麗上曰高麗職貢不絕為賊臣西弒朕甚哀之但山東彫弊吾未忍言用兵耳

**集覽**

泉蓋蘇文蓋蘇文或號蓋金自云生水中以感人故姓泉氏蓋音公盍反

**質實**

亳州注見

漢獻帝建安十五年

**書法**

夷蠻書殺建武書弒何進建武也先是建武奉詔遣還中國人俘前後萬數且又請頒唐曆武德中嘉其恭順賜冊封之則唐藩也不可以夷蠻治之矣故特書弒

廣州都督党仁弘有罪徙欽州

高祖之入關也党仁弘將兵有功其後歷官所至有聲迹至是為廣州都督坐賊當死上欲宥之召五品以上

謂曰法者人君所受於天不可以私今朕私党仁弘而欲赦之是自亂其法上負於天欲席藁於南郊三日日一進蔬食以謝罪群臣以為自貶太過頓首固請上乃降手詔曰朕有三罪知人不明一也以私亂法一也善善未賞惡惡未誅三也於

**集覽**

善善未賞惡惡未誅上善字美之也上惡字憎

疾之也韻會毛詩曰凡善惡之善則上聲彼善而善之則去聲孟子王如善之是也又詩善善之功上字亦去聲國語云齊桓公之郭問父老曰郭何故亡對曰郭公善善而惡惡也桓公曰若子之言則賢君也何至於亡父老曰善善而不能所以亡也公羊傳昭二十年君子之善善也長惡惡也短惡惡止其身善善及子孫注惡惡並如字一

**質實**

廣州注見秦始皇三十三年南海席藁注見梁武帝普通六年欽州

注見隋文帝開皇十七年

十二月獵于驪山

**考異**

獵上漏帝字

上獵于驪山登山見園有斷處顧謂左右曰吾見其不整而不刑則墮軍法刑之則是吾登高臨下以求人之



過也乃託以道險引轡入谷以避之**質實**驪山注見秦始皇三十七年

**書法**美存厚也帝於是三書獵矣終綱目書獵十有三詳周顯王十四年漢桓帝居其三唐太宗居

其三後唐莊宗居其三惟太宗非譏辭

### 詔議反逆緣坐律

刑部以反逆緣坐律兄弟沒官為輕請改從死敕八座議之議者皆以為秦漢之法反者族夷宜如刑部之請給事中崔仁師駁曰古者父子兄弟罪不相及柰何以亡秦酷法變隆周中典上從之

**質實**八座

癸

### 十七年春正月鄭公魏徵卒

**考異**當分註

魏徵寢疾上與太子同至其第指衡山公主欲以妻其子叔玉徵薨命百官赴喪給羽葆鼓吹陪葬昭陵其妻裴氏曰徵平生儉素今塋以羽儀非其志也悉辭不受以布車載柩而塋上登苑西樓望哭哀自製碑文并

為書石謂侍臣曰人以銅為鏡可以知得失魏徵沒朕以古為鏡可以見興替以人為鏡可以知得失魏徵沒朕以古為鏡矣

**集覽**

長孫皇后之陵墓注雍州醴泉縣

古邑名本周麋子國秦屬長沙郡漢為長沙國湘南縣地三國吳置衡陽縣屬衡陽郡晉改曰衡山隋以湘西湘鄉二縣省入屬潭州徙治白馬峯下唐復徙治於此屬衡州宋初屬潭州復屬衡州後又屬潭州元屬衡州本朝因之屬衡州府鼓吹注見晉武帝太康三年昭陵在西安府醴泉縣九峻山有廟存焉

### 以張亮為洛州都督

侯君集自以有功而下吏怨望有異志會亮出為洛州君集謂曰我平一國來逢嗔如屋大齮齮殊不聊生公能反乎與公反亮密以聞上曰卿與君集皆功臣語時旁無他人若下吏君集必不服卿且勿言待君集如故

**質實**

張亮鄭州滎陽人洛州注見秦莊襄王元年三川

### 圖功臣於凌煙閣

南監國自卷四



上命圖畫功臣長孫無忌趙郡王孝恭杜如晦魏徵房玄齡高士廉尉遲敬德李靖蕭瑀段志玄劉弘基屈突通殷開山柴紹長孫順德張亮侯君集張公謹程知節虞世南劉政會唐儉李世勣秦叔寶等於凌煙閣實一統志云凌煙閣在西安府城中唐之西內太極殿之東乃太宗所建圖畫功臣二十四人於上書法也是故麒麟圖像文李詒不書此何以書錄功臣臺圖功臣則書漢明帝永平三年凌煙圖功臣則書是年終綱目書圖功臣三舍是無書者矣

### 齊州都督齊王祐反伏誅

祐性輕躁昵近群小好畋獵長史權萬紀驟諫不聽恐并獲罪乃條祐過失迫令表首上以救書戒之祐大怒曰長史賣我以為功必殺之萬紀拘持祐益急不聽出城門悉解縱鷹犬効其左右數十人上遣使接之詔祐入朝祐殺萬紀驅民入城繕甲兵樓堞詔發兵討之賜手敕曰吾常戒汝勿近小人正為此耳兵未至齊府曹杜行敏等執祐送京師賜死上檢祐家文疏得記室孫處約諫書嗟賞之累遷中書舍人

質實

### 夏四月太子承乾謀反廢為庶人立晉王治為皇太子賤魏王泰為東萊郡王

注見漢景帝三年濟南京師注見周顯王二十五年記室官名注見隋煬帝大業十三年孫處約汝州郟城人太子承乾少有癡疾喜聲色畋獵所為奢靡畏上知之對宮臣常論忠孝或至涕泣退居宮中則與群小相親狎宮臣有欲諫者太子揣知其意輒迎拜自責募亡奴盜民間馬牛親臨烹煮與所幸厮役共食之又效突厥語及服飾飲食謂左右曰一朝有天下當帥數萬騎獵於金城西然後解髮委身思摩若當一設不居人後矣漢王元昌所為多不法上數譴責之由是怨望太子與之甚善朝夕同遊戲大呼交戰擊刺流血以為娛樂嘗曰我為天子極情縱欲有諫者輒殺之不過數百人衆自定矣私幸太常樂童與同卧起上怒殺之太子於宮中構室立像朝夕奠祭稱疾不朝謁者數月魏王泰多能有寵潛有奪嫡之志折節下士以求聲譽上命韋挺杜楚客攝奉府事二人俱為泰要結朋黨太子畏其逼陰養刺客紇干承基等謀殺之吏部尚書侯君集怨望



以太子聞劣欲乘蒙圖之因勸之反太子大然之厚賂  
中即將李安儼使為中訶洋州刺史趙節駙馬都尉杜  
荷皆預其謀割臂為誓荷謂之曰天文有變當速發但  
稱暴疾危篤主上必親臨視因茲可以得志會齊王祐  
反事連承基繫獄當死上變告太子謀反救大理中書  
門下參鞠之反形已具上面責承乾承乾曰臣為太子  
復何所求但為泰所圖時與朝臣謀自安之術不逞之  
人遂教臣為不軌耳今若泰為太子所謂落其度內也  
上乃謂侍臣曰將何以處承乾群臣莫敢對通事舍人  
來濟進曰陛下不失為慈父太子得盡天年則善矣上  
從之詔廢承乾為庶人幽之元昌賜自盡君集安僕節  
荷等皆伏誅庶子張玄素等以不諫諍免為庶人獨于  
志寧以數諫見褒君集被收上謂侍臣曰君集有功欲  
乞其生可乎群臣不可上乃泣謂之曰與公長訣矣遂  
斬之而原其妻子上嘗使李靖教君集兵法君集言於  
上曰靖將反矣上問其故對曰靖獨教臣以其粗而匿  
其精以是知之足以問靖對曰此乃君集欲反耳今諸  
夏已定臣之所教足以制四夷而君集固求盡臣之術  
非反而何江夏王道宗嘗從容言於上曰君集自負微  
功耻在房李之下以臣觀之必將為亂上不之信至是

上乃謝道宗曰果如卿言承乾既獲罪魏王泰日入侍  
奉上面許立為太子岑文本劉洎亦勸之長孫無忌固  
請立晉王治上謂侍臣曰昨青雀投我懷云臣今日始  
得為陛下子臣有一子臣死之日當為陛下殺之傳位  
晉王朕甚憐之諫議大夫褚遂良曰陛下失言此國家  
大事存亡所繫願熟思之且陛下萬歲後魏王據天下  
之重肯殺其愛子以授晉王哉陛下前者以嫡庶之分  
不明致此紛紜今必立魏王願先措置晉王始得安全  
耳上流涕曰吾不能也因起入宮魏王泰恐上立晉王  
謂之曰汝與元昌善得無憂乎治憂形於色上恠屢問  
其故治以狀告上上憮然始悔立泰之言矣上獨留長孫  
無忌房玄齡李世勣褚遂良謂曰我三子一第所為如  
是我心誠無聊賴因自投于林抽佩刀欲自刺遂良奪  
刀以授晉王無忌等請上所欲上曰汝舅許汝矣即御太極  
殿召群臣謂曰承乾悖逆泰亦凶險諸子誰可立者衆  
皆謹呼曰晉王仁孝當為嗣上悅詔立晉王治為皇太  
子時年十六謂侍臣曰我若立泰則泰則親者皆兩棄之傳諸子  
營而得自今太子失道藩王窺伺者皆兩棄之傳諸子  
孫永為後法且泰立則承乾與治皆不全治立則承乾



與泰皆無恙矣乃降泰爵東萊郡王幽之北苑府僚親  
所愛以杜禍亂之源可謂能遠謀矣**集覽**思摩十二年古為突厥可汗  
高帝九年反說文知慶告言之又候伺也上變告注見漢  
青雀魏王質實金城郡名注見貞觀十八年蘭州漢王  
泰小字質實元昌漢郡名注見周赧王四年元昌高  
祖之子太宗之弟折節注見周赧王二年杜楚客京兆  
不逞注見梁武帝大清三年不軌注見漢靈帝光和五  
年來濟江都人護兒之子江夏郡名注見漢後主建興  
七年鄂州一統志云太極殿在西安府城內即唐西內  
正殿也唐高祖因隋太興殿改今名乃朔望視朝之所  
後有兩儀殿則常日聽政之處近又有甘露神龍萬春  
千秋等殿從容注見秦二世三年東萊郡注見漢安帝  
永初二年

**書法**一廢一貶兩棄不立太宗可謂善處矣終綱目  
書廢太子十有一詳周赧王十六年皆無罪也

惟魏太子恂書有罪廢唐太子承乾書謀  
反廢終綱目書太子反二漢據唐承乾

**發明**人臣無將將則必誅况太子有父之親尤非他  
臣之比既書謀反則無所逃罪廢之何疑若魏

王泰既不書其罪而亦貶之何也上書廢太子下書  
貶泰則泰為窺伺覬覦明矣况十四年書幸魏王泰  
第十六年書泰上括地志則駸駸已有奪嫡之漸太  
宗於此雖能割愛斷恩然曷若於初而謹之哉惟合  
綱目前後觀之則太宗  
之失亦固在其中矣

### 以太子太保蕭瑀詹事李世勣同中書門下三品

詔以長孫無忌為太子太師房玄齡為太傅蕭瑀為太  
保李世勣為詹事瑀世勣並同中書門下三品同三品  
自此始又以李大亮于志寧馬周蘇勗高季輔張行成  
褚遂良皆為僚屬世勣嘗得暴疾方云鬚灰可療上自  
剪鬚為之和藥又嘗從容謂曰朕求群臣可託幼孤者  
無以踰公公徃不負李密豈負朕哉世勣流涕辭謝蓋  
指出血○定太子見三師儀迎於殿門外先拜三師各  
拜每門讓於三師三師坐太子乃坐其與書前後稱名



惶恐。黃門侍郎劉洎言：太子宜勤學問，親師友，今入侍宮闈，動踰旬朔，師保以下，接對甚希。上乃命洎與岑文本、褚遂良、馬周更詣東宮，與太子遊。上自太子遇物則誨之，見其乘馬則曰：汝知其勞而不竭，其力則常得乘之矣。見其乘舟則曰：汝知其勞而不竭，其力則常得乘也。君猶舟也，見其息於木下，則曰：木從繩則正，后從諫則聖。上疑太子柔弱，密謂長孫無忌曰：雉奴懦弱，恐不能守社稷。吳王恪、英、果、類、我、我、敬、立、之、何、如、無、忌、固、爭以為不可。上曰：公以恪非已之甥，耶無忌曰：太子仁厚，真守文良主，儲副至重，豈可數易。上乃止。謂恪曰：父子雖至親，及其有罪，則法不可私。漢立昭帝，燕王不服，霍光折簡誅之，此不可以不戒。上謂群臣曰：吾如治年，其稍壯，自不同耳。無忌對曰：陛下神武，乃撥亂之才，太子仁恕，實守文之德也。胡氏曰：太宗深知太子懦弱，謂無忌黨其甥是也。無忌言儲副不可數易，亦是也。然太宗胡不於廢承乾時，熟察諸子而慎選之，乃聽無忌而舍吳王，至是則不可易矣。故曰：君子慎始，始之不圖，終悔無及。又曰：凡為人謀，猶不可不忠。况為君父謀乎？為

君父謀，雖薄物細故，猶不可不得其當。况建太子乎？無忌以懿戚居輔相，所宜援立。英、果以靖國家，乃私於其甥，擁護晉王，其意以為晉王既立，則可以長保富貴也。為國則輕為身，則重其不忠，莫甚焉。然魯不幾何，困於誣罔，竟被誅絕，不能自明。於是向之所自營者，適所以自伐，亦可以為大臣謀國置嗣不忠者之戒矣。集覽：雉奴，太子。質實，高季輔、德州人。張行成，定州義豐人。杜稷，注見新莽。天鳳元年，吳王恪，太宗之子。初，帝納隋煬帝女為妃，生恪。漢立昭帝，帝燕王，不服。霍光折簡誅之，事在元鳳元年。

**書法** 同三品之名始此

**發明** 唐之官制定於太宗，而亦紊於太宗。且唐因隋制，於三省官長為宰相，其名固已不正。然猶有可稱謂者，至於他官參議、朝政、參知政事，又益變矣。若夫同中書門下三品之稱，果何議哉？考之唐志，蓋以僕射為尚書之長，兼同侍中、中書令，故謂之三品。所謂同三品者，乃如此。其後或不稱同中書門下而止，稱同三品，或稱仍同三品，稱謂日益差舛。且官品自九至一，今宰相乃反同三品，母乃淆亂不倫乎？孔

自九至一，今宰相乃反同三品，母乃淆亂不倫乎？孔



子謂名不正則言不順其極至於民無所措手足必欲官得其正當自正宰相之名始然後萬務可得而理綱目書同中書門下三品失可知矣安得董正治官之君悉舉而正之哉噫

六月朔日食

質實 日食注見新 弄天鳳元年

遣太常丞鄧素使高麗

素還請於懷遠成增兵以逼高麗上曰遠人不服則脩文德以來之未聞一二百成兵能威絕域者也范氏曰太宗之言豈不美哉然非能行之直以辨折其臣下而已其始不欲增成而卒親征之不為其小而為其大豈大者足以勝德乎書曰非知質實 懷遠成注見漢之艱行之惟難太宗之謂矣 武帝元朔九年

高士廉罷仍同三品 詔太子知左右屯營兵馬事

胡氏曰太子奉冢嗣之案盛朝夕視君膳者也君行則守有守則從從曰撫君守曰監國古之制也東宮有兵馴至禍亂承乾謀逆其事未遠又使太子知兵馬事太宗其未之思歟 集覽 君行則守有文太子奉冢嗣而下至古之制也並左傳閔二年文也解云君有朝會征伐行役之事則太子代君守國君使

大臣守國則太子從君行也守手又反從 質實 東宮注 才用反馴至馴松倫反以漸而至曰馴至 見宋文 帝元嘉二 十七年

書法

前書承乾謀反矣於是復書詔太子知左右屯營兵馬事合而觀之帝之失可見矣太宗於太子凡三詔皆失之貞觀四年十六年是年

薛延陀來納幣詔絕其昏

薛延陀直珠可汗使其姪來納幣獻羊馬契必何力上言薛延陀不可與昏上曰吾許之矣可食言乎何力對曰願且遷延救夷男使親迎彼必不敢來則絕之有名矣上從之乃詔幸靈州召真珠可汗會禮真珠欲行其臣曰不可往必不返真珠曰天子聖明遠近朝服今親幸靈州以愛主妻我我得見天子死不恨矣薛延陀何患無君又多以羊馬為聘經沙磧耗死過半乃責以聘禮不備絕之褚遂良上疏曰往者夷夏咸言陛下欲安百姓不愛一女莫不懷德今一朝忽有改悔之心得少失多臣竊為國家惜之嫌隙既生必構邊患彼國蓄見



欺之怒此民懷負約之慚恐非所以服遠人訓戎士也  
夫龍沙以北部落無算中國誅之終不能盡當懷之以  
德使為惡者在夷不在華失信者在彼不在此耳上不  
聽薛延陀先無府庫至是厚歛諸部以充聘財諸部怨  
叛薛延陀由是遂衰司馬公曰唐太宗審知薛延陀不  
可妻則初勿許其昏可也既許之矣乃復恃彊棄信而  
絕之雖滅薛延陀猶可羞也  
**集覽**夷男真珠  
王者發言出令可不慎哉  
**集覽**夷男真珠  
晉穆帝永和十二年可汗夷狄君長之號注見漢後主  
景耀四年靈州注見玄宗天寶十五年靈武沙磧注同  
三年開元

**書法**

書詔絕何病帝也前書許嫁此書來納幣則絕  
其昏為無名矣吐蕃未嘗許也遣使貢金幣迎

**公主**

則絕之唯疆是與而不于其信謂之何哉

**發明**

六年書許以新興公主嫁薛延陀則是已許  
昏約言在我矣今又書其來納幣則在彼未

**嘗失**

乃無故絕之此何義哉匹夫尚不可無信况  
為四海之主而可失信於夷狄乎比而觀之其失自

矣見

遣使冊高麗王藏為遼東郡王

上曰蓋蘇文弑其君而專國政誠不可忍以今日兵力  
取之不難但不欲勞百姓吾欲且使契丹鞞鞞擾之何  
如長孫無忌曰蓋蘇文自知罪大畏討必嚴設守備陞  
下姑為之隱忍彼得以自安必更驕惰討之未晚也上  
曰善於是遣使持節冊**集覽**鞞鞞注見隋文  
命高藏為遼東郡王  
**集覽**鞞鞞注見隋文  
種名注見晉安帝義熙二年  
**集覽**鞞鞞注見隋文  
遼東郡名注見秦王政三年

秋七月貶杜正倫為交州都督

初太子承乾失德上密謂庶子杜正倫曰吾兒果不可  
教當來告我正倫屢諫不聽乃以上語告之承乾表聞  
上責正倫正倫對曰臣以此恐之冀**質實**左遷注見漢  
其遷善耳及承乾敗正倫左遷交州  
**質實**宣帝元康二  
年交州注見宣宗  
太中二年安南



踏魏徵碑

初魏徵嘗薦杜正倫侯君集有宰相之至是正倫以罪黜君集謀反誅上始疑徵阿黨又有言徵自錄前後諫辭以示起居即褚遂良者上愈不悅乃罷叔王尚主而踏所撰碑

**集覽**

罷叔王尚主也

先嘗許以尚衡山公主今罷休之

**發明**

則識太宗為可知雖然太宗從諫之美非出於中心實不樂如須殺田舍翁之類積怒已非一日猶投種於地有待而發故身沒未幾諸訴遽行此其所

房玄齡等上高祖今上實錄

上嘗謂褚遂良曰卿知起居注所書可得觀乎對曰史官書人君言動備記善惡庶幾人君不敢為非未聞自取而觀之也上曰朕有不善卿亦記之邪對曰臣職當載筆不敢不記黃門侍郎劉洎曰借使遂良不記天下

亦皆記之矣范氏曰人君言行被於天下其得失何可私也欲其可傳於後世莫若自修而已何畏乎史官之記邪劉洎之言足以儆君心而全臣職矣揚氏曰劉洎之言善矣然恃可以動夫好名之君耳理則有所未盡也夫言行君子之樞機善則千里之外應之不善則千里之外違之雖使莫或記之而民之從違如此則亦何可掩乎。上又謂監修國史房玄齡曰朕之心異於前世帝王所以欲觀國史蓋欲知前日之惡為後來之戒耳公可撰次以聞諫議大夫朱子奢上言陛下獨覽起居於事無失若以此法傳示子孫或有飾非護短史官不免刑誅則莫不順旨全身千載何所信乎上不從玄齡乃與給事中許敬宗等刪為高祖今上實錄書成上之見書六月四日事語多微隱謂玄齡曰昔周公誅管蔡以安周季友鶴叔牙以存魯朕之所為亦類是矣史官何諱焉即命直書其事范氏曰古者官守其職史書善惡君相不與焉此姦臣賊子所以懼也後世人君得以觀史而宰相監修欲其直筆不亦難乎人君任臣以職而宰相不與史事則善惡庶乎可信也

**集覽**

春秋魯莊公有疾問後於叔牙對曰慶父材問於季友



對曰臣有死奉般注公薨般即位慶父弒之季友奔陳  
魯人立閔公慶父恨不得立又使人弒之季友以僖公  
適却慶父奔莒季友乃以僖公入而立之求慶  
父於莒莒人歸之季友遂殺慶父而鶴叔牙

**奢蘇州吳人**周公誅管蔡以安周  
注見漢後主建興九年管蔡放誅

**書法**

於是上命監脩國史房玄齡撰次以聞不書命  
何罪玄齡也帝嘗謂觀史矣而遂良止之使玄  
齡亦以是對則帝意塞矣書

**發明**

史官紀載善惡為萬世勸戒不惟人君不可自  
觀而宰相亦不可與也綱目書玄齡上今上實  
錄則大臣不能以義正君史官失其所  
職而太宗好名自私其失皆在中矣

九月新羅乞兵伐高麗遣使諭之

新羅遣使言百濟與高麗連兵謀絕新羅入朝之路乞  
兵救援上遣使齎璽書諭之蓋蘇文不奉詔使還上曰  
蓋蘇文弒君不可以不討諫議大夫褚遂良曰今中原  
清晏四夷驚服陛下之威望大矣乃欲渡海遠征小夷

萬一蹉跌傷威損望更與忿兵則安危難測也李世勣  
曰間者薛延陀入寇陛下欲發兵窮追用魏徵之言遂  
失機會不然薛延陀無遺類矣上曰然此誠徵之誤朕  
尋悔之而不欲言恐塞嘉言之路耳遂欲自征高麗遂  
良復諫曰天下譬猶一身兩京心腹也州縣四肢也四  
夷身外之物也高麗罪大誠當致討但命一二猛將將  
四五萬衆取之如反掌耳今太子新立幼穉諸王陛下  
所知一旦棄金湯之全踰遼海之險以天下之君輕行  
遠舉皆臣之所甚憂也群臣亦多諫者上皆不聽范氏  
曰高麗臣屬於唐而其主為賊臣所弒為大國者不可  
不討然何至於自征之乎太宗若從  
遂良之言雖伐而不克未大失也  
也高句麗東南忿兵注見梁武帝大同三年金湯韓  
子曰雖有金城湯池非粟不守注金言其堅湯言其熱  
喻城池之**質實**新羅東夷國名都樂浪郡注見漢武帝  
堅固也元封二年朝鮮百濟東夷國名注見漢武帝  
觀卜四年璽書注見漢光武建武三年中原注見玄宗  
天寶十五年蹉跌注見漢順帝陽嘉二年遼海注見漢  
昭烈帝章武元年



徙故太子承乾於黔州順陽王泰於均州

**考異**

故上書賤

東萊郡王後書徙順陽王泰為漢王

**賈實**

黔州注見高祖

志云順陽古地名春秋時屬鄭後為楚邊邑戰國屬韓漢

武德三年一統

置州屬東魏以縣置順陽郡隋初改龍山為汝南縣尋

屬襄城郡東魏以縣置順陽郡隋初改龍山為汝南縣尋

改為輔城縣屬汝州大業中又改州元初省入梁縣後復改為

唐初因之宋屬許州金屬汝州元初省入梁縣後復改為

知縣本朝因之改屬南陽府均州注見晉元帝建武元

年武

當冬十一月詔黜封德彝贈謚

**集覽**

黜丑律反賤也

初上與隱太子德彝固諫而止至是侍御史唐臨追劾其事

廢隱太子德彝固諫而止至是侍御史唐臨追劾其事

請黜官奪爵尚書唐儉等請

**集覽**

巢刺王注見高

降贈改謚詔從之改謚曰謬

**集覽**

相武德九年

唐臨長安

**集覽**

人瑾之孫

**書法**

綱目臣子書贈官十有二詳漢武帝元光六年

綱目謚書黜削二封德

十八年春三月以薛萬徹為右衛大將軍

上嘗謂侍臣曰於今名將惟世勣道宗萬徹三人而已

秋七月以劉洎為侍中岑文本馬周為中書令

文本既拜還家有憂色母問其故文本曰非勳非舊濫

荷寵榮位高責重所以憂懼語賀客曰今受予不受賀

也。上嘗謂侍臣曰朕欲自聞其失諸公宜直言無隱

劉洎曰頃有上書不稱旨者陛下皆面加窮詰恐非所

以廣言路馬周曰陛下比來賞罰微以喜怒有所高下

多不能對劉洎上書諫曰以至愚而對至聖以極卑而

甲辰

通鑑綱目卷一百一十五



非慮無以臨下非言無以述慮比有談論遂致煩多輕  
物驕人恐由茲道形神志氣非此為勞今聞讜言虛懷  
以**集覽**虛襟虛其襟懷不自痛假也對敷對答也敷通  
改**集覽**作揚答受天子之命而稱揚之飛白字舛也雞  
茹集曰蔡邕見鴻都門匠人施聖第遂創造焉白通  
作帛帛歸田錄曰凡飛帛以點畫象物形惟點最難工  
**實**社稷注見新莽天鳳元年

### 九月以褚遂良為黃門侍郎參預朝政

上嘗問褚遂良曰舜造漆器諫者十餘人此何足諫對  
曰奢侈者危亡之本漆器不已將以金玉為之忠臣愛  
君必防其漸若禍亂已成無所復諫矣上曰然朕見前  
世帝王拒諫者多云業已為之終不為改如此欲無危  
亡得乎**范氏**曰所貴乎賢者為其能止亂於未然則邪  
於未形也若其已然則衆人之所能知也何賴於賢乎  
危亡之言惟明主能信而闇主忽焉是以自古無事之  
時常患諫之難入也故聖主能從諫於未然賢主能改  
過於已然諫而不聽者斯為下矣太宗求諫其有意於  
防未然者乎○上謂長孫無忌等曰人若不自知其過

卿可為朕明言之無忌對曰陛下武功文德臣等將順  
之不暇又何過之可言上曰朕問公以已過公等乃曲  
相諛說朕欲面舉公等得失以相戒而改之何如皆拜  
謝上曰長孫無忌善避嫌疑敏於決斷而總兵攻戰非  
其所長高士廉臨難不改節當官無朋黨所乏者骨鯁  
規諫耳唐儉言辭辨捷善和解人事朕三十年遂無言  
及於獻替楊師道性行純和而情實怯懦緩急不可得  
力岑文本性質敦厚持論恒據經遠自當不負於物劉  
洎性最堅貞有利益但意尚然諾私於朋友馬周見事  
敏速直道而言朕比任使多能稱意褚遂良學問稍長  
性亦堅正每篤忠誠親附於朕譬如飛鳥依人人自憐  
之**范氏**曰君臣以道相與以義相正有朋友之義非徒  
以分相使而已太宗欲聞過而無忌納諫以悅之其罪  
大矣然太宗論群臣之得失亦豈皆中於理哉遂良直  
道犯顏盡忠無隱王魏之比也而**集覽**諫說諫論也說  
譬之飛鳥輕侮其臣不恭孰甚焉**集覽**讀曰悅持論恒  
據經遠一本作謀常**實**骨鯁注見晉武帝咸寧四年  
經遠注不循目前也**實**楊師道弘農華陰人隋觀王  
雄之子恭仁之弟



郭孝恪擊焉耆執其王突騎支

焉耆貳於西突厥朝貢多闕郭孝恪帥步騎三千擊之執其王突騎支上謂太子曰焉耆王不求賢輔不用忠謀自取滅亡繫頸萬里人

**質實**

焉耆西域國名注見宋文帝元嘉十二年突厥

**書法**

不書遣何專也太宗在上而孝恪專兵則有以嘗試其喜攻之心矣故止書擊

高麗遣使入貢却之

蓋蘇文貢白金楮遂良曰此却昂之類不可受也上從之謂其使者曰蓋蘇文純逆汝曹不能復讐更為遊說以欺大國罪孰大焉悉以屬大理

**集覽**

此却昂之類謂此白金如却昂皆以不義取之之物左傳桓二年春宋以却昂賂公夏四月取却昂於宋納於太廟非禮也注却昂却國所造器宋滅却取之公羊傳取却昂于宋此取之宋其謂之却昂何宋始以不義取之故謂之却昂何休學云宋以不義取之不應得故正

之曰却昂如以義應得則當言取宋大昂

**質實**

大理官名注見貞觀元年

冬十月朔日食。帝如洛陽命房玄齡留守十一月以張

亮李世勣為行軍大總管詔親征高麗

十一月至上至洛陽前宜州刺史鄭元璠已致仕上以其嘗從隋場帝伐高麗召問之對曰遼東道遠糧運艱阻東夷善守城攻之不可猝下上曰今日非隋之比公但聽之上聞洛州刺史程名振善用兵召問方畧嘉其才敏勞勉之名振失不拜謝上試責怒以觀其所為名振謝曰疎野之臣未嘗親奉聖問適方心思所對故忘拜耳舉止自若應對愈明辯上乃歎曰奇士也即日拜右驍衛將軍以張亮為平壤大總管帥兵四萬艦五百自萊州泛海趨平壤又以李世勣為遼東大總管帥步騎六萬及蘭河降胡趣遼東手詔諭天下以高麗蓋蘇文弑主虐民今問其罪所過營頓無為勞費昔隋場帝殘暴高麗王仁愛故不能成功今以大擊小以順討逆以治乘亂以逸敵勞以悅當恐何

**集覽**

蘭河降胡蘭河二州本古西羌地降



胡歸義之胡虜也隋初置蘭州  
河即漢金城郡後秦置河州  
見周赧王三十七年東夷東方之夷也其種有九曰畝

夷于夷方夷黃夷白夷赤夷玄夷風夷陽夷洛州注見  
漢武帝元狩四年廣平平壤城名注見隋煬帝大業八

年秦州注見漢安帝永初二年東萊一統志云蘭河二  
州名蘭本秦之隴西郡地漢置金城郡東漢省入隴西

郡魏晉時為重鎮後魏後周並為武始郡隋初廢郡為  
蘭州大業初廢州置金城郡唐復置蘭州天寶初改全

城郡乾元初復為蘭州宋治蘭泉縣金廢蘭泉元屬鞏  
昌路本朝改州為縣屬臨洮府河注見晉

穆帝永和元年元注見漢光武建武二年

**書法** 辭矣故書親征有罪也於是高麗弒逆伐之為有

者大異矣隋煬帝終綱目書親征二晉明  
帝太寧二年是年舍是無書親征者矣

**發明** 綱目於煬帝書自將擊高麗而於太宗則書詔

殊絕蓋隋煬有瑕之可指而又高麗有罪當誅此固書  
今太宗不惟無瑕可指而又高麗有罪當誅此固書

法不同之意也雖然高麗誠有罪矣然區區遠夷不  
過命一二猛將統兵伐之足矣豈必重勞萬乘而與  
之角哉然則親征之書雖足見師出  
有名之意又以見太宗親行之失

### 十二月武陽公李大亮卒

大亮恭儉忠謹每宿直必坐寐達旦房玄齡每稱其有  
王陵周勃之節初大亮為李密所獲賊帥張弼見而釋

之及大亮貴求弼弼為將作丞自匿不言大亮遇諸塗  
而識之持弼而泣以家貲遺弼不受言於上乞悉以其

官爵授之上為之擢弼為中即將時人皆賢大亮不負  
恩而多弼之不伐也至是副玄齡守京師卒遺表請罷

高麗之師家餘米五斛布三匹親戚早孤  
為大亮所養喪之如父者十有五人謚曰懿

注見漢後主延熙十七年王陵周勃之節詳見漢高后  
元年八年中即將官名注見漢桓帝延熹二年京師注

見周顯王  
二十五年

### 故太子承乾卒



**書法** 善終鮮矣有能存厚綱目所予也魏太子恂稱  
主以殺則承乾書卒其意可見矣綱目書廢太子十  
二詳周赧王十六年惟東海王彊書卒承乾書卒

○突厥徙居河南可汗李思摩入朝

突厥俟利苾可汗北渡河薛延陀惡之數相攻俟利苾  
有衆十萬不能撫御其衆悉南渡河請處於勝夏之間  
上許之群臣皆曰陛下方遠征遼左而置突厥於河南  
距京師不遠豈得不為後慮願留鎮洛陽遣諸將東征  
上曰夷狄亦人耳其情與中夏不殊以德治之則可使  
如一家且彼不北走薛延陀而南歸我其情可見矣俟  
利苾既失衆輕騎入朝上以為右武衛將軍胡氏曰子  
貢問博施濟衆堯舜其猶病諸四海至廣矣施必極於  
博濟必周於衆聖人心所欲也而勢有弗及耳是故先  
王畿次中夏外四夷雖一視同仁然必篤近而舉遠也  
於是畫為五服要荒在外為之限禁其來有時以杜亂  
華之階遏謀夏之禍自堯舜三代皆不敢廢夫聖人之  
心與天同誠必不為猜忌也而太宗所見特異乎此豈  
以二帝三王有所未盡邪夫厚遇夷狄則於中國將薄

矣推誠獸心則於可信將疑矣是以有征遼

**集覽**

俟利

造舟之擾絕婚什碑之失蓋必然之理也  
汗之號也俟渠之反必蒲結反勝夏之間注見隋文帝  
開皇十九年夏勝之間畫為五服畫界也為之限禁也  
五服謂甸服侯服綏服要服  
荒服也詳見禹貢蔡氏傳  
注見宋王昱  
元徽元年

十九年春正月帝發洛陽

上謂侍臣曰朕自發洛陽惟啜肉飯雖春蔬亦不之進  
懼其煩擾故也見病卒召至榻前存慰付州縣療之士  
卒咸悅

封比干墓

詔謚殷太師比干曰忠烈命所司封其墓春秋祠以少  
牢給五戶灑掃上至鄴自為文祭魏太祖曰臨危制變  
料敵設奇一將之智有餘萬乘之才不足胡氏曰知人  
則易自知則難太宗之評魏武者正所以自狀耳或問

巴乙



漢高祖先武昭烈魏武唐文皇人品如何曰高祖尚矣  
先武昭烈猶魯衛之政也魏武太宗並驅中原未始知鹿  
死誰手其所長短蓋畧相當光武昭烈才德俱優魏武  
太宗才優於德然規模建立皆在漢高範圍之內耳  
**集覽** 少牢按文公儀禮圖少牢饋食禮篇注禮將祭祠  
必先擇牲繫于牢而芻之羊豕曰少牢諸侯之卿  
大夫祭宗廟之牲疏云特牲不言牢但非一牲即得牢  
稱公羊傳桓八年注禮天子諸侯卿大夫牛羊豕凡三  
牲曰太牢天子元士諸侯之卿大夫羊豕凡二牲曰少  
牢諸侯之士特承惟詩傳云牛曰太牢羊豕曰少牢與前  
二說不同更當考之又太牢注見漢王邦三年中牢注  
見漢昭帝元鳳元年未知鹿死誰手史記淮陰侯傳秦  
失其鹿天下共逐之於是高材疾足者先得焉張晏曰  
以鹿喻帝位也範圍之內易繫辭範圍天地之化而不  
過程氏本義曰範圍匡郭也**質實** 一統志云比干墓  
金之有模範圍匡郭也**質實** 府城北一十里即武王所  
封者有石題曰殷太師比干之墓後魏孝文帝南巡親  
幸弔祭刻文墓上**鄴**縣名注見漢獻帝建安十五年魏  
太祖謂曹操也操墓在彰德府滏陽縣講武城外唐太宗  
經此故祭之

**書法**

元魏嘗書祭比干墓矣齊甲戌年魏孝文帝於是復見故特書美之

三月至定州詔皇太子監國

**考異**

皇字羨據調露元年弘道元年景雲二年永貞

元年發書太子監國並省皇字

詔太子監國留居定州命太傅高士廉詹事張行成庶子高季輔及侍中劉洎中書令馬周同掌機務以輔之  
將行太子悲泣數日上曰為國之要在於進賢退不肖賞善罰惡至公無私汝當努力行此悲泣何為  
**實** 定州注見周威烈王二十三年中山

發定州

長孫無忌岑文本楊師道從上親佩弓矢手結雨衣於鞍後

夏四月諸軍至玄菟新城

李世勣軍發都城多張形勢若出懷遠鎮者而潛師北趣甬道出高麗不意自通定濟遼水至玄菟高麗大駭



城邑皆閉遼東副總管江夏王道宗將兵數千至新城折衝都尉曹三良引十餘騎直壓城門城中驚擾無敢出者營州都督張儉將胡兵為前鋒進渡遼水趣建安城破高麗兵斬首數千級

**質實**

柳城縣名注見

漢獻帝建安十二年陳遠鎮鎮名在遼東即境內遼水注道注見漢王邦二年通定鎮名在遼東

見漢昭烈帝章武元年玄菟郡名注見漢武帝元封三年營州注見漢獻帝建安十二年柳城張儉新豐人建

百四十四里注見本年蓋州

### 岑文本卒以許敬宗檢校中書侍郎

上悉以軍中資糧器械簿書委岑文本文本夙夜勤力精神耗竭遇暴疾薨上召許敬宗代之

**書法**

於是從征而卒不書卒于師何非主帥也

### 李世勣拔蓋牟城

李世勣拔蓋牟城獲其戍卒七百人皆請從軍自效上曰汝為我戰高麗必族汝家得一人之力而滅一家吾

不忍也皆稟賜而遣之以其城為蓋城

**質實**

一統志云蓋牟城在遼東都司城南二百四十里稟賜注

見漢靈帝中平六年蓋州本遼東郡地高麗為蓋牟城唐置蓋州渤海因之遼以路通辰韓改為辰州陸奉國

軍附郭置建安縣金為蓋州元屬遼陽路省縣入州本朝初廢州置衛改屬遼東都司

### 五月張亮拔卑沙城

張亮帥舟師渡海襲卑沙城其城四面懸絕惟西門可上程名振引兵夜至副總管王大度先登五月拔之獲

男女八千口

**質實**

一統志云卑沙城在遼東都司城南一百二十里本蓋牟地高麗為沙卑城渤海國

為南海府遼為海州南海軍治臨瀛縣金天德初改為澄州元廢之本朝初置海州衛改屬遼東都司

### 帝渡遼拔遼東城

李世勣進至遼東城下高麗步騎四萬救之江夏王道宗將四千騎逆擊之軍中皆以為衆寡懸絕不若深溝高壘以俟車駕之至道宗曰吾屬為前軍當清道以待乘輿乃更以賊遺君父乎既合戰唐兵不利道宗登高



而望見高麗陣亂與驍騎數十衝之世勣引兵助之高麗大敗車駕至遼澤泥淖二百餘里布土作橋以渡既渡撤之以堅士卒之心上至遼水城下見士卒負土填塹即分其尤重者自於馬上持之從官爭負土致城下時世勣攻城已二十日矣上引精兵會之圍其城數百重縱火登城高麗力戰不能敵遂克之所殺萬餘人得勝兵萬餘人男女四萬以其城為遼州

**質實**

乘輿注見漢安帝延光四年遼澤注見漢昭烈帝章武元年

為遼州遼因之置始平軍治遼瀋縣金貞祐兵亂時廢故址在遼東都司瀋陽衛西北一百八十里唐世勣拔遼城即此

### 進軍白巖城六月降之

進軍白巖城李思摩中弩矢上親吮血將上聞之莫不感動契必何力擊高麗救兵挺身陷陣槩中其腰尚輦奉御薛萬備單騎往救拔何力於萬衆之中而還何力氣益憤束瘡而戰遂破高麗兵白巖城請降既而中悔上怒其反覆攻之令軍中曰得城當悉以人物賞戰士六月復請降上將受之李世勣謂曰士卒所以爭冒矢

石不顧其死者貪虜獲耳今城垂拔柰何更受其降孤戰士之心上下馬謝曰將軍言是也然縱兵殺人而虜其妻孥朕所不忍將軍麾下有功者朕以庫物賞之庶因將軍贖此一城世勣乃退上受其降以為巖州何力瘡重上自為傳藥求得刺何力者使自殺之何力曰彼為其主冒白刃忠勇之士不可殺也遂舍之

**質實**

白巖城未詳處所尚輦奉御官名如淳曰掌天子之物曰尚周官有巾車秦漢為車府令隋煬帝初置殿內省置尚輦此其始也薛萬備燉煌人萬均之弟麾下注見漢獻帝建安十四年

### 進攻安市城大破其救兵於城下

車駕至安市城攻之高麗北部釋薩延壽惠真帥兵十五萬救安市上曰今為延壽策有三引兵直前連城為壘據險食粟掠吾牛馬攻之不可猝下欲歸則泥濘為阻坐困吾軍上策也接城中之衆與之宵遁中策也不度智能來與吾戰下策也卿曹觀之彼必出下策成擒在吾目中矣高麗有對盧年老習事謂延壽曰秦王內芟群雄外服戎狄獨立為帝此命世之才今舉海內之衆而來不可敵也為吾計者莫若頓兵不戰曠日持以



分遣奇兵斷其運道糧食既盡求戰不得欲歸無路乃  
可勝也延壽不從引軍直進上猶恐其不至命阿史那  
社爾將千騎以誘之兵始交而偽走高麗相謂曰易與  
耳競進乘之至安市城東南八里依山而陳長四十里  
上與無忌等從數百騎乘高觀望形勢江夏王道宗曰  
高麗傾國以拒王師平壤之守必弱願假臣精兵五千  
覆其本根則數十萬衆可不戰而降矣上不應命李世  
勣將步騎萬五千陳於西嶺長孫無忌將精兵萬一千  
自山北出狹谷以衝其後上自將步騎四千為奇兵挾  
鼓角偃旗幟登山敕諸軍聞鼓角齊出奮擊延壽等  
見世勣布陳勒兵欲戰上望見無忌軍塵起命作鼓角  
舉旗幟諸軍鼓譟並進延壽等大懼欲分兵禦之而陣  
已亂薛仁貴大呼陷陳所向無敵大軍乘之高麗兵大  
潰延壽惠真帥衆請降舉國大駭後黃城銀城皆自拔  
遁去數百里無復人煙上乃更名所幸山曰駐蹕山刻  
石紀功馬驛書報太子及高士廉等曰朕為將如此何  
如范氏曰太宗少時奮於布衣志氣英果百戰百勝以  
取天下治安既久不能深居高拱猶思所以逞志扼腕  
踊躍喜於用兵如馮婦搏虎不能自止非有禮義以養  
其志中和以養其氣也至於一戰而克自以為功矜其

智能誇示臣下其器小矣抑對盧之謀正太宗  
所謂上策者使延壽從之則唐師豈不殆哉

集覽

高麗官名猶唐之都督也稱字新史作傳並音奴篤反

延壽惠真並姓高皆為釋薩延壽主北部惠真主南部

對盧高麗之官十有二級首曰大對盧馮婦搏虎以喻

太宗用兵不已也馮婦姓名勇而有力量搏虎故進以

為士後於野外見虎欲復搏之其士質實一統志云安

之黨笑其不知止也見孟盡心下

屬遼東郡唐太宗征高麗攻之不下薛仁貴白衣登城

即此渤海置鐵州金改為湯池縣屬蓋州元省故址在

遼東蓋州衛東北七十里鼓譟注見宋文帝元嘉二十

六年薛仁貴河東龍門人駐蹕山即首山在遼東都司

秋七月張亮至建安城破高麗兵

星從首山墜城東南即此唐太宗征高麗嘗駐蹕其顛  
數日勒石紀功因改為駐蹕山扼腕注見漢武帝元朔



亮軍過建安城下壁壘未固高麗兵奄至亮素怯踞胡  
牀直視不言將士見之更以為勇相與擊高麗兵破之  
**質實** 胡林注見周世宗顯德五年

### 九月薛延陀真珠可汗死子多彌可汗拔灼立

初真珠可汗請分國立其二子皆為可汗詔從之  
至是拔灼殺其兄曳莽而自立是為多彌可汗  
**質實** 可汗夷狄君長之號注見漢後主景耀四年

### 帝攻安市城不下詔班師

上之克白巖也謂李世勣曰安市城險而兵精建安兵  
弱而糧少若出其不意攻之必克建安下則安市在吾  
腹中此兵法所謂城有所不攻者也對曰建安在南安  
市在北吾軍糧皆在遼東今踰安市而攻建安若賊斷  
吾運道將若之何上從之世勣遂攻安市市不下上怒世  
勣請克城之日男子皆坑之安市人聞之益堅守攻久  
不下高延壽高惠真共請曰烏骨城主老耄不能堅守  
移兵臨之朝至夕克其餘小城必望風奔潰然後收其

資糧鼓行而前平壤必不守矣群臣亦請召張亮拔烏  
骨渡鴨綠水直取平壤上將從之長孫無忌以為天子  
親征異於諸將不可乘危徼幸若向烏骨則建安新城  
之虜必躡吾後不如先取安市建安然後進乃止江夏  
王道宗督衆築土山以逼其城城中亦增城以拒之士  
卒交戰日六七合衝車礮石壞其樓堞城中隨立木柵  
以塞其缺晝夜不息凡六旬用功五十萬山頽壓城城  
崩會守城傳伏愛松離所部高麗自缺城出戰遂奪土  
山塹而守之上怒斬伏愛以狗命諸將攻之三日不能  
克上以遼左早寒草枯水凍士馬難久番且糧食將盡  
敕班師先拔遼蓋二州戶口凌遼乃釋兵於安市城下  
而旋城主登城拜辭上嘉其固守賜縵百匹以勵事君  
還師渡遼暴風雪**集覽**衝車礮石衝通作輶陷陣車也  
士卒沾濕多死者**集覽**礮俗作砲軍戰石也張晏曰范  
彘兵法飛石重十二斤為機法行三百步礮蓋起此也  
事始曰諸葛亮起衝車郝昭以繩建石磨四角車折即  
也**質實** 烏骨城未詳處所鴨綠水注見隋場帝大業  
八年平壤城名注同上

元積明



**書法**

嘗書進攻安市城矣上既書帝此復書帝何為

矣然則書詔班師何予知復也與上書大敗下書帝

帝大業八年

**發明**

太宗遼東之行非特為高麗之逆命蘇文之執

見隋場之事固已技養於中必思所以勝之故因蘇

文之罪假以親征耳不然帝於突厥吐暉高昌等國

皆遣將平之何獨於高麗而必欲親征哉惟其藏於

好勝之心是以利害是非之實皆不能見如李道宗

素虛取平壤之策高延壽移兵烏骨城之請皆不能

聽此正魏相所謂驕兵貪兵者也然則太宗是行遠

而特以帝攻冠於其上則見是城乃帝所自攻而

非他人之責矣好勝不止自取挫衄可勝惜哉

冬十月遣使祀魏徵復立所仆碑

凡征高麗拔十城徙遼蓋巖三州戶口入中國者七萬  
人新城建安駐蹕三大戰斬首四萬餘級戰士死者幾  
三千人戰馬死者什七八上以不能成功深悔之歎曰  
魏徵若在使朕有是行也命馳驛祀徵以少牢復立  
所製碑召其妻子詣行在勞賜之范氏曰太宗玩武不  
已困於小夷無異於煬帝蓋不能慎終如始日新其德  
而欲功過五帝地廣三王是以失之然見危  
而思直臣知過而能自悔此其所以為賢也

漢武帝天

**書法**

書美悔過也是故樊豐敗而後祠楊震漢安帝

年遼東敗而後祀魏徵是年漁陽反而後祭九齡肅

宗至德二年皆事後之思也終綱目書祭臣六詳漢

帝還至營州祭戰亡士卒

上至營州詔戰亡士卒骸骨並集柳城命  
有司具太牢上自作文以祭之臨哭盡哀

**質實**

太牢牲名注見



漢王邦  
三年

**書法**

五年書遣使詣高麗葬隋戰士美也此書祭戰  
亡士卒美之歟談也其談何帝之葬隋戰士固  
有咎隋之心矣及其晚節不能自克躬自蹈之殺其  
身而禮其鬼則何益哉故前書隋戰士此書戰亡士  
卒咎亡之者也帝之篇書恤死之政四貞  
觀二年五年春及八月是年惟此為譏辭

贖諸軍所虜高麗民萬四千口

上聞太子奉迎將至乃從飛騎三千人馳入臨渝關道  
逢太子上之發定州也指所御榻袍謂太子曰俟見汝  
乃易此袍耳在遼左雖盛夏流汗弗之易至是太子進  
新衣乃易之諸軍所虜高麗民萬四千口安集幽州將  
以賞軍上慰其父子夫婦離散命有司平其  
直悉以錢帛贖為民歡呼之聲三日不息

**質實**

臨渝  
關注

見隋文帝開皇十八年幽  
州注見高祖武德四年

**書法**

前書贖突厥男女八萬口華人也此書贖高麗  
民萬四千口予之歟予之也亦傷之也曷為傷

之高麗之俘得以生還何其幸也戰亡士卒不可復  
贖矣何其不幸耶綱目聯書之予之之意不如傷之  
之深也

十一月易州司馬陳元壽以罪免

**質實**

易州注見周世  
宗顯德六年

元壽使民於地室蓄火種蔬  
而進之上惡其誦免元壽官

十二月薛延陀寇夏州

**質實**

薛延陀匈奴別種名注見隋  
煬帝大業元年夏州注見漢

武帝元朔 ○殺侍中劉洎

初上將東行謂侍中劉洎曰我今遠征爾輔太子安危  
所寄宜深識我意對曰願陛下無憂大臣有罪者臣謹  
即行誅上以其妄發惟之及上還不豫洎色悲懼謂同  
列曰疾勢如此聖躬可憂或譖於上曰洎言國家事不  
足憂但當輔幼主行伊霍故事大臣有異志者誅之自  
定矣上以為然詔賜自盡孫氏曰劉洎之死據舊史所  
書由遂良之譖也然伐遼之行洎有誅大臣之對矣及  
太宗不豫則洎初無是語也遂良不應以此譖之蓋遂



良後諫廢立被譴姦人從而譖之故洎子訴冤李義府  
助之遂良諧洎之言當出於此又貞觀實錄故播所脩  
號為詳正許敬宗頗以愛憎改易舊文則遂良諧洎之  
事安可信乎胡氏曰遂良王魏之亞豈肯諧人者而洎  
又直臣遂良以何事言之邪孫甫辨之當矣然太宗殺  
洎甚遽大臣亦不聞有諫譬者何也太宗盛意伐高麗  
挫屈而歸慙怒之氣無所發泄正爾卧疾而諧者觸其  
諱惡是故雷震霆擊不復思惟也故人主必以禮義養  
其心志使氣合太和則質實待中官名注見高祖武德  
喜無過差怒無暴悖矣質實七年伊霍故事注見晉元  
帝太興元年

**發明** 嗚呼是非天下之至理萬世之公論果可厚誣  
也哉洎之死出於太宗一時之忿他時洎子  
誣訴楮遂良之諧先儒既為之辨明至高宗欲雪其  
冤樂彥希以為若雪洎罪則彰先帝用刑不當之失  
其事遂寢是意蓋欲掩覆太宗濫殺之過耳然綱目  
於此書殺書爵亦不以其掩覆之故而遂曲為之隱  
然則是非天下之至理萬世  
之公論果可以厚誣也哉

### 以馬周攝吏部尚書

周以四時選為勞請復十  
一月選至三月畢從之

#### 書法

攝也其書何始罷四時選也唐世書吏部尚書  
四馬周楮遂良裴光庭楊國忠自楮遂良外皆

辭譏

二十年春正月夏州兵擊薛延陀大破之○遣大理卿孫

### 伏伽等巡察四方

遣大理卿孫伏伽等二十二人以六條巡察四方伏伽  
寺多所貶黜其人詣闕稱寃者前後相屬上令楮遂良  
類狀以聞上親臨決以能進擢者二十人集覽以六條  
以罪死者七人流以下除免者數百十人

察官人善惡二察戶口流散籍帳隱沒三察農桑不勤  
食廩減耗四察妖猾盜賊不事生業五察德行孝弟茂  
材異寺藏器晦迹應時用者六察黠吏豪宗  
兼并縱暴貧弱寃苦不能自伸者見三宗解質實大理  
官名



注見貞觀元年

### 帝還京師

上謂李靖曰吾以天下之衆困於小夷何也靖曰此道宗所解上顧問道宗具陳在駐蹕時乘虛取平壤之言上悵然曰當時多吾不憶也胡氏曰太宗對敵有嘉謀而不取何也道宗陳計正值太宗經度延壽之時故不見答既克延壽又方驛報太子自伐為將之功道宗故不敢復言也太宗於是志滿而氣驕所以親將大衆而屈於小

**質實**

遽貌

### 三月詔皇太子聽政

**考異**

皇字羨據二十三年詔太子聽政無皇字

上疾未全平欲專保養詔太子問日聽政於東宮既罷則入侍藥膳不離左右褚遂良請遣太子旬日一還東宮與師傅**質實**東宮注見宋文帝講論從之元嘉二十七年

### 殺刑部尚書張亮

人告亮有反謀上命按之亮不服命百官議其獄皆言亮反當誅獨將作少監李道裕言亮反形未具不當死上不聽斬之後歲餘刑部侍郎缺上曰朕得其人矣往者李道裕議張亮獄朕雖不從至今悔之遂以為刑部侍郎

**發明**

按唐史叙亮私說相貌識緯及養假子五百人稱其死有餘責今綱目乃書殺書官何耶夫亮延納妖人妄論禍福罪固自至於假子之事乃出於告者之口前史亦不能闕實其罪故分註皆創而不錄况亮身處刑曹非有兵權在手一言註誤遽陷極刑且亮既不服其辜而李道裕又言反形未具姑從輕典可也殺之過矣宜乎書法之所不予也

### 閏月朔日食

**質實**

日食注見新莽天鳳元年

○夏五月高麗遣使謝罪

却之

高麗王藏及莫離支蓋金遣使謝罪并獻二美女金即蘇文也上以女還之後金益驕恣表辭詭誕待使者倨



慢屢遠詔攻新羅詔勿受其朝貢復議討之

**集覽**

莫離支高麗官名猶唐之吏部尚書蓋金即泉蓋蘇

**書法**

此則何以為譏也前書高麗遣使入貢卻之為美謂違亂之賂不受宜也於是高麗君臣遣使謝罪復議討之是黷武矣書曰謝罪卻之所以病帝也

### 六月西突厥遣使入貢

西突厥乙毗射匱可汗遣使入貢且請昏上許之使割龜茲于闐疎勒朱俱波葱嶺五國以為聘禮

**集覽**

**疎勒**注見漢武帝元鼎二年疏勒

**質實**

龜茲西域國名注見漢光武建武十二年于闐西域國名注見

漢武帝元狩元年朱俱波西域國名注見貞觀十年葱嶺西域國名注見漢武帝元鼎二年

### 秋八月帝如靈州遣李世勣擊薛延陀降之敕勒諸部遣

使請吏

**考異**

州下漏還宮二字

薛延陀多彌可汗猜禰好殺廢棄父時貴臣專用已於親昵國人不附回紇諸部擊之大敗上詔江夏王道宗等將兵擊之國中驚擾多彌出走回紇殺之盡據其地餘衆西走猶七萬餘口共立真珠兄子吐摩支遣使奉表請居鬱督軍山之北詔遣使安集之敕勒九姓酋長聞其來皆懼朝議亦恐其為磧北之患乃遣李世勣圖之上自詣靈州招撫太子當從行少詹事張行成以為不若使之監國接對百寮明習庶政上然之李世勣至鬱督軍山吐摩支降道宗兵既渡磧薛延陀拒戰道宗擊破之遣使招諭勅勒諸部其酋長皆喜請入朝駕至浮陽回紇等十一姓各遣使歸命乞置官司上大喜遣使納之詔曰朕聊命偏師遂擒頡利始弘廟畧已城延陀敕勒百餘萬戶請為州郡混元以降殊未前聞宜備禮告廟仍頒示普天上為詩曰雪耻酬百王除兇報千古勒石

**集覽** 敕勒注見宋文帝元嘉七年頡利前可汗於靈州之號廟畧注見漢宣帝神爵元年廟勝之

**混元** 太古之時元質實 回紇匈奴別種名注見貞觀三年酋長注見漢帝玄更始二年磧北注見玄宗開元三年一統志云靈州漢之縣名屬北地郡以縣在河之洲



上隨水高下未嘗淪沒故名靈州隋改為靈武郡唐肅宗即位於此宋改為翔慶軍元仍為靈州本朝州廢置守禦千戶所故城在陝西寧夏衛城南浮陽縣名注見漢順帝永建元年鐵勒高車部號注見宋文帝元嘉七年

**書法**

薛延陀嘗書寇矣貞觀十九年此其再不書討何自反而不縮也無故而許昏無故而絕之其入寇宜矣於是而乘其弱未見其有名也故延陀自未許昏以前書討而於此再書擊焉蓋帝自安市班師之後急於雪耻師出無名故綱目惟高麗書伐餘皆書擊所以譏其遷怒也

冬十月貶蕭瑀為商州刺史

瑀性狷介與同僚多不合嘗言房玄齡等朋黨不忠但未反耳上不聽瑀內不自得因自請出家既而悔之上以瑀反覆不平詔曰朕於佛教非意所遵梁武帝窮心釋氏覆亡不暇社稷為墟報施之徵何其謬也瑀踐履車之餘執藁亡國之遺風自請出家尋復違異豈具瞻之量乎貶商州刺史

**質實**

商州注見晉元帝太

興元年

**書法**

自是至開元三年七十餘載書以為刺史者四十一蕭瑀李綿緒遂良柳奭韓瑗來濟杜正倫李義府高獲行于志寧趙瓌李敬玄馮元常鸞味道李孝逸狄仁傑常嗣立姚元之再書譙王重福畢構張東之敬暉桓彥範袁恕己尹思貞宋璟再書竇從一祝欽明郭山暉李暢宋王成器再書幽王守禮薛謙光張說劉禹求鍾紹京常珍自狄仁傑外皆以貶黜為之則刺史之任益輕矣

十二月帝生日罷宴樂

上謂長孫無忌寺曰今日吾生日世俗皆為樂在朕翻成傷感今君臨天下富有四海而承歡膝下未不可得此子路所以有負米之恨也詩云哀哀父母生我劬勞柰何以劬勞之日更為歡樂乎因泣救行下左右皆悲

**集覽**

所以有負米之恨子路曰昔者由也事二親之時常食藜藿之實為親負米於百里之外親沒之後南遊於楚從車百乘積粟萬鍾願欲食藜藿為親負米不可



復得也

**書法**

書宴多矣未有書罷宴者書罷宴樂何美之也

七年書生日始此終綱目書生日四是年玄宗開元十

**發明**

實以文觀之生日念劬勞而罷宴樂誠美事也以

為往往有不自聊頰之意故劉洎張亮皆以小故被

而終不能釋然也是以鬱鬱至此夫武定亂畧文致

太平貴為天子富有四海論功較德直與古帝王並

無理義以養其心故耳豈不深可惜哉雖然太宗以

生日罷宴樂而後世子孫乃以生日侈宴樂寧不

有愧於祖武書之于冊其得失優劣又可觀矣吁

**幸房玄齡第**

房玄齡嘗以微譴歸第遂良諫曰玄齡翼贊聖功冒

死決策選賢立政勤力為多自非罪在不赦不可遷奪

若以其衰光亦當退之以禮上然之因幸芙蓉園玄齡

勅子弟汛掃門庭曰乘輿且至有頃上幸其第因載玄

齡還宮一統志云芙蓉園在西安府城南郭外心太

**質實**

宗嘗以賜魏王泰即此乘輿注見漢桓帝延

熹二年

**二十一年春正月申公高士庶卒**

**考證**

當分註

士庶卒上將往哭之房玄齡長孫無忌諫曰陛下

石之方不得臨喪奈何不為宗廟自重不聽無忌中道

伏則流涕固諫上乃還入東苑南望

而哭涕下如雨及柩出登樓望哭

**質實**

縣名注見梁武帝太清二

**以救勒諸部為州縣**

宋



回紇諸部皆來朝請吏詔以為六府七州各以其酋長  
為都督刺史各賜金繒遣之諸酋長奏請以回紇以南  
突厥以北開一道謂之參天可汗道置六十八驛上許  
之於是北荒悉平然回紇吐迷度已私自稱可汗官號  
皆如突厥故事范氏曰中國之有夷狄如畫之有夜陽  
之有陰君子之有小人也中國失政則四夷交侵先王  
所以御之者亦可得而畧聞矣舜曰而難任人索夷率  
服又曰無怠無荒四夷來王蓋柔遠能邇治內安外而  
殊俗之民嚮風慕義不以利誘不以威脅而自至矣故  
不勞民不費財至於後世之君或讐疾而欲殄滅之或  
愛悅而欲招來之是二者皆非也何則彼雖夷狄亦人  
類也王者於天地間無所不養况人類而欲殘之乎殘  
之固不可况不能勝而自殘其民乎仁人之所不為也  
為之者秦始皇是也山川之所限風氣之所移得其地  
不可君得其民不可使列為州縣是崇虛名而受實弊  
也且得之既以為功則失之必以為耻不在於已則在  
子孫故有征伐之勞餽餉之煩民不堪命而繼之以亡  
隋煬帝是也且中國地非不廣也民非不衆也曷苦備  
德行政以惠養之使男有餘粟女有餘布兵革不試以  
致太平不亦帝王之盛美乎夫有求於外如彼其難也

無求於外如此其易也然而人君常捨所易而行所難  
何哉忽近而喜遠厭故而謀新雖或未至於亡而常與  
之同事其累德豈細哉太宗好大無窮兼蓄夷夏非  
所以遺後嗣安中國之道此當以為戒而不可慕也

**覽** 參天可汗道參觀也先突厥上太宗尊號為天可汗  
而難任人書舜典注難拒任倭也斥遠倭人則忠信  
昭於四夷皆相率而來服

詔以來年仲春有事於泰山 **質實** 泰山注見秦始皇二十八年 ○ 以牛

進達李世勣為行軍大總管伐高麗

上將復伐高麗朝議以為高麗依山為城攻之不可猝  
拔前大駕親征國人不得耕種太半乏食今若遣偏師  
更迭擾其疆場使疲於奔命釋耒入堡數年之間十  
里蕭條則人心自離鴨綠以北可不戰而取矣上從之  
遣牛進達李世勣水陸並進以討之范氏曰太宗以蓋  
蘇文弒君故舉問罪之師誅其賊弔其人置君而去之  
則德刑舉矣伐而不克益忿發兵欲擾  
之使不得耕稼則是為寇非禦寇也

**集覽** 釋耒入堡 釋廢也耒



耕曲木堡小城也謂質實疆場注見漢靈帝建寧二年廢農事而入保城邑質實鴻綠水名注見隋煬帝大業八年

### 夏四月作翠微宮

初上得風疾苦京師盛暑命修質實京師注見周顯王終南山太和廢宮為翠微宮質實二十五年終南山注見漢文帝三年南山一統志云翠微宮在西安府城南八十里終南山上唐高祖建名太和宮太宗改曰翠微內有舍風等殿

### 以李素立為燕然都護

以李素立為燕然都護統瀚海等六府卑蘭等七州軍立撫以恩信夷落懷之共率馬牛為獻素立惟受其酒一杯餘悉還之。上問侍臣曰自古帝王雖平中夏不能服戎狄朕才不逮古人而成功過之何也群臣稱頌功德上曰不然朕所以能及此者止由五事耳自古帝王多疾勝已者朕見人之善若已有之人行能不能

兼備朕常棄其所短取其長人主往往進賢則欲真諸懷退不肖則欲推諸壑朕見賢者則敬之不肖者則憐之人主多惡正直陰誅顯戮無代無之朕踐祚以來正直之士比肩於朝未嘗黜責一人自古皆貴中華賤夷狄朕獨愛之如一故其部落皆依朕如父母此五者朕所以成今日之功也集覽燕然注見和三年質實李素立高邑人

### 五月如翠微宮考異

如上海漏

冀州進士張昌齡獻翠微宮頌上愛其文命於通事舍人裏供奉初昌齡與王公治皆有文名考功負外郎王師旦知貢舉黜之上問其故師旦曰二人文體輕薄終非令器若置之高第恐後進效之傷陛下雅道上善其言胡氏曰太宗於皇甫德參則欲加以罪於張昌齡則欲賞之以官子以見在位日久德不加脩志已怠矣古之聖王慎終如始日新又新之德太宗蓋有愧焉蓋聖學不傳雖納諫自勉而不治其本故無聖王成德之效也集覽通事舍人裏供奉馬周起布衣詔令於監察御史裏行







注見宋文帝元嘉七年  
古狎反背脚也

### 立皇子明為曹王考異

皇字羨按凡例注封立出於天子不應自謂其子為皇子

曹王明母楊氏巢刺王之妃也  
有寵於上文德皇后之崩也  
欲立為皇后魏徵諫曰陛下方北德唐虞柰何以長羸自累乃止尋以明繼元吉後  
范氏曰太宗殺弟而納其妃其瀆人倫甚矣又以明繼元吉後是彰其母之為弟也  
**集覽** 以長羸自累累玷也左傳文六年辰羸嬖於婦也  
二君注長羸懷羸也僖十七年晉太子圉質於秦秦以羸氏妻之二十二年子圉逃歸是為懷公故羸氏號懷羸二十三年晉公子重耳奔秦秦伯納女五人懷羸與焉蓋懷羸重耳之姪婦也今巢刺王之妃乃太宗之弟婦故魏徵以長羸為喻

### 書法

明者何巢刺王妃所生也太宗十四子無不王者不悉書書曹王譏瀆倫也

### 發江南工人造大船

欲復征高麗也

### 冬十一月突厥車鼻可汗遣使入貢

車鼻本突厥同族頡利之敗諸部欲立之時薛延陀方疆車鼻不敢當帥眾歸之薛延陀以車鼻貴種有勇畧恐其為後患欲殺之車鼻逃去建牙金山之北自稱可汗突厥餘眾稍歸之及薛延陀敗車鼻勢益張遣子入見又請入朝遣使徵之車鼻不至  
**集覽** 車鼻可汗之號也車昌遮反  
**質實** 建牙注見漢獻帝初

平三年金山注見隋恭帝侗皇泰二年

### 徙順陽王泰為濮王質實

濮郡名注見周安王五年

○十二月遣阿史

### 那杜爾等擊龜茲

龜茲王訶黎布失畢浸失臣禮侵漁鄰國上怒詔阿史那杜爾契必何力郭孝恪等將兵擊之

### 二十二年春正月作帝範以賜太子

上作帝範十二篇以賜太子曰君躬建親求賢審官納諫去諛戒盈崇儉賞罰務農閱武崇文且曰修身治國

申戊



備在其中一且不諱更無所言矣然汝當更求古之哲  
王為師如吾不足法也夫取法於上僅得其中取法於  
中不免為下吾即位已來不善多矣顧弘濟蒼生肇造  
區夏功大益多故人下怨業不墮然比之盡美盡善固  
多愧矣汝無我之勤而承我之富貴竭力為善則國  
家僅安驕情奢縱則一身不保且成遲敗速者國也失  
易得難者位也可不惜哉可不慎哉○初群臣或請集  
上文章上曰朕之辭令有益於民者史皆書之足為不  
朽若其無益集之何用梁武帝父子陳後主隋煬帝皆  
有文章何救於亡人主惠無德政文章何為遂不許

**質實**

肇造區夏周書康誥篇肇造我區夏猶言中夏

### 中書令馬周卒

上親為調藥使太子臨問

以崔仁師為中書侍郎參知機務○遣薛萬徹伐高麗○  
以長孫無忌檢校中書令○結骨俟利發入朝

骨人皆長大赤髮綠睛自古未通中國至是其俟利  
發失鉢屈阿棧來朝請除一官詔以為堅昆都督是時  
四夷君長爭入獻見每元正朝賀常數百千人上曰漢  
武帝窮兵三十餘年所獲無幾豈如今日綏之以德使  
窮髮之地盡**集覽**結骨注見漢宣帝黃龍元年堅昆俟  
為編戶乎**集覽**利發失鉢屈阿棧俟利發結骨君長  
之號失鉢屈阿棧結骨君長之名也俟渠之反窮髮之  
地莊子逍遙遊篇窮髮之北成玄英疏云地以草木為  
髮毛北方寒極草木不生故曰窮髮所謂不毛之地也  
列子湯問篇終髮北之北注髮猶毛也北極之北有不  
毛之地林希逸口義云終髮即窮髮也

### 如玉華宮考異

如上帝字

上營玉華宮務為儉約惟寢殿覆瓦餘皆茅茨然所費  
已巨億計充容徐惠上疏曰今東征高麗西討龜茲營  
繕相繼服玩華靡夫以有盡之農功填無窮之巨浪圖  
未獲之他喪喪已成之我軍地廣非常安之術人勞乃  
易亂之源也珍玩技巧乃喪國之斧斤珠玉錦繡實迷  
心之醜毒作法於儉猶恐其奢作法於奢何以制後上



善其言其 **集覽** 充容徐惠九嬪之一徐惠其姓名

禮重之 **集覽** 生五月能言四歲通論語詩八歲自曉

屬文太宗召為才 **質實** 徐惠孝德之女唐太宗

人後進為充容 **質實** 朝為才人卒贈賢妃

崔仁師坐罪除名流連州 **考異** 提要坐

坐有伏闕許寃 **質實** 連州注見隋文帝

者仁師不奏也 **質實** 開皇十四年陽山

三月故隋后蕭氏卒 **質實** 江都縣名注見漢

詔復其位號諡曰愍 **質實** 獻帝興平元年

使三品護葬江都 **書法** 蕭氏何煬后也亡國之后未有書卒者此其書

**書法** 何美存厚也於是隋亡唐興餘三十年矣然則

曷為不書崩隋失天下也是故失天下之王書卒據

周赧王失天下之后書卒綱目書故后卒二是年故

隋后五代庚戌 **質實** 年故晉太后

夏四月遣武候將軍梁建方擊松外蠻降之○西突厥葉

護賀魯來降 **集覽** 吐火羅部

吐陸既奔吐火羅部落亡散其葉護阿史那賀

魯帥其餘衆數千帳內屬詔以為瑤池都督 **集覽** 吐火羅西

十六年奔吐火羅 **葉護** 賀魯 **葉護** 突厥 **質實** 域國名注

大臣之稱賀魯其名也姓阿史那氏 **質實** 域國名注

見貞觀 **質實** 域國名注

十六年 **質實** 域國名注

五月遣右衛長史王玄策使天竺因襲擊之執其王以歸

初中天竺兵最彊四天竺皆臣之王玄策奉使至其國

會其王卒其臣阿羅那順自立發胡兵攻玄策玄策脫

身宵遁抵吐蕃西境微鄰國兵吐蕃泥婆國皆遣兵赴

之玄策帥之進至中天竺連戰三日大破之城邑聚落

降者五百八十餘所 **集覽** 泥婆即泥婆羅國在

俘阿羅那順以歸 **集覽** 吐蕃之西樂陵川 **質實** 中

竺西域國名注見漢武帝元狩元

年吐蕃西羌之屬注見貞觀八年

**書法** 道玄策者使天竺爾襲擊而執其王玄策之罪

也其不書玄策襲擊何據高宗調露元年裴行



儉襲擊阿史那再書行儉病帝也帝自高麗之挫思  
立邊功以雪此恥故敕勒之降至於備禮告廟頌示  
普天甚而作詩勒石以修之玄策窺見帝心所以敢  
有遂事也而未聞薄行專命之罰則帝之意可知矣  
綱目書曰遣王玄策使天竺因襲擊之執其  
王以歸若帝遣之為此者所以深病帝也  
**發明**以分註觀之天竺攻劫使者罪誠可誅以綱目  
觀之則玄策出使有旨乃擅襲人之國又執其  
王以歸則非義矣王者不勤遠畧務廣德而不務廣  
士鳥可恃疆陵弱以生事邀功於絕域哉書使天竺  
書因襲擊書執  
以歸皆罪之也

### 宋公蕭瑀卒

瑀卒太常議謚曰德尚書議謚曰肅上曰謚者行之迹  
當得其實可謚貞補子銳嗣初銳尚上女襄城公主上  
欲為之營第公主固辭曰婦事舅姑當朝夕  
侍側若居別第所關多矣上命瑀第營之  
**集覽**貞補  
性忌故謚  
曰貞補  
**質實**襄城郡名注見漢後主延熙十五年  
宋縣名注見周赧王十五年

### 殺華州刺史李君羨

太白屢書見太史占云女主昌民間又傳秘記云唐三  
世之後女主武王代有天下上惡之以武衛將軍李君  
羨小名五娘而官稱封邑皆有武字出為華州刺史御  
史復奏君羨謀不軌上遂誅之上嘗密問太史令李淳  
風秘記所云信有之乎對曰臣仰稽天象俯察曆數其  
人已死宮中自今不過三十年當王天下殺唐子孫殆  
盡其兆既成矣上曰疑似者盡殺之何如對曰天之所  
命人不能違也王者不死徒多殺無辜且自今以往三  
十年其人已老庶幾頗有慈心為禍或淺今借使得而  
殺之天或生壯者肆其怨毒恐陛下子孫無遺類矣上  
乃**集覽**太白畫見注見高祖  
**質實**華州注見玄宗開元  
武德九年太白經天  
靈帝光  
和五年

### 發明

隋以疑似而殺李渾然卒無益於事此太宗之  
亂耳夫賊在宮中反乃求之遠外果何謂耶書殺書  
爵亦徒以重濫殺之禍而已君羨之死可哀也哉



司徒梁公房玄齡卒

玄齡留守京師疾篤上徵赴王華宮有輿入殿相對流涕因留宮下候問不絕玄齡謂諸子曰吾受主上厚恩今天下無事惟東征無已群臣莫敢諫吾知而不言死有餘責乃上表曰老子曰知足不辱知止不殆陛下威名功德亦可足矣拓地開疆亦可止矣且陛下每決一重囚必令三覆五奏膳素止樂者重人命也今驅無罪之士卒委之鋒刃之下使之肝腦塗地獨不足愍乎向使高麗遠失臣節誅之可也侵擾百姓滅之可也他日能為中國患除之可也今無此三條而坐煩中國內為前代雪耻外為新羅報讐豈非所存者小所損者大乎願陛下許高麗自新焚凌波之船罷應募之衆自然華夷慶賴遠肅途安臣旦夕入地儻蒙錄此哀鳴死且不打上自臨視握手與訣悲不自勝卒謚曰文昭柳芳曰玄齡佐太宗定天下及終相位凡三十二年天下號為賢相然無跡可尋德亦至矣故太宗定禍亂而房杜不言功王魏善諫諍而房杜讓其賢英衛善將兵而房杜人行其道理致太平善歸

集覽

凌波之船泛海之舟房杜人主為唐宗臣固宜哉

魏徵英衛英國公李靖質實老子注見宋荊陽王景元元年

封二年朝鮮

秋八月朔日食。九月以褚遂良為中書令。冬十月帝

還宮。雅眉邛州獠反。

初上以高麗因獎議以明年發二十萬衆一舉滅之或以劍南隋末無寇屬者遼東之後又不預徵發百姓富庶宜使造舟上從之遣使發民造船後父山獠於是三州獠反發隴右峽中兵二萬餘人以擊之蜀人苦造船之後州縣督迫嚴急民至賣田宅鬻子女不能供穀價踊貴劍外騷然范氏曰惟兵者不祥之器不得已而用之太宗伐高麗其得已而不已者乎及其不服則又不能反已至欲傾天下之力以逞其志何其迷而不復也夫天下如一身四方猶手足師役手足之病也以高麗之役不及於蜀而必欲疲之是一支病而使別支皆被其痛豈愛集覽劍南元年以州郡頗多分天下為十道身之道乎其九曰劍南道今成都府梓州利州劍



州是其地也山獠獠本作獠  
竹紋反又音老西南夷名  
統志云眉古地名本秦蜀郡地漢為武陽南安二縣地  
屬犍為郡蜀漢及晉宋皆因之齊分置齊通郡梁立青  
州西魏改眉州治通義縣後周復為青州改嘉州治  
峨眉縣隋復為眉州大業初改眉山郡治龍遊縣唐復  
為嘉州尋折嘉州別置眉州治通義縣天寶初改通義  
郡乾元初復為眉州宋因之改通義縣曰眉山以州屬  
成都路元屬嘉定府以附郭眉山縣省入本朝初改  
為縣後復為州隸四川道印注見僖宗中和二年高麗  
東胡種名注見漢武帝元封二年朝鮮劔南道名注見  
晉武帝泰始八年益州隴右注見秦王政三年隴西峽  
中注見漢獻帝建安二十四年峽口

十一月奚契丹內屬質實

奚契丹東胡種名注見睿宗太極元年

○回紇吐

迷度為其下所殺詔立其子婆闐

考異

當書回紇其可汗吐迷度

書法 回紇始見綱目

○十二月阿史那杜爾擊龜茲執其王布失畢

阿史那杜爾引兵自焉耆之西趨龜茲北境分兵為五  
道出其不意焉耆王奔龜茲杜爾遣兵擊斬之進屯磧  
口龜茲王布失畢及相那利戰敗走保都城杜爾進軍  
逼之拔其城使郭孝恪守之布失畢走保撥換城杜爾  
追擒之那利收合餘燼潛引西突厥之眾襲殺孝恪驍  
衛將軍曹繼叔等擊那利獲之杜爾破其大城五遣使  
諭降七百餘城立王弟葉護為王

質實

焉耆西域國名注見漢安帝永寧元年磧口注見玄宗開元三年

集覽

相那利那利名也龜茲之相

二十三年春正月遣驍衛郎將擊突厥車鼻可汗

書法

即將何以不名削之也帝自安市班師之後急於雪耻思立奇功車鼻入貢未聞其犯塞也而

遽與師尤為無名矣故例書擊而於其末也將不書名高侃

○三月帝有疾詔太子聽政○夏四月如翠微宮○五月



以李勣為疊州都督考異

李下漏世字

上謂太子曰李世勣才智有餘然汝與之無恩我今黜之若其即行俟我死汝用為僕射親任之若非細顧望當殺之耳乃左遷世勣為疊州都督世勣受詔不至家而去范氏曰太宗以世勣為何如人哉以為愚也則不可託幼孤而寄天下矣以為賢也當任而勿疑乃憂後嗣之不能懷服先黜之而後用是以犬馬畜之也夫欲奪其心而折之術五伯所不為也苟以是心待其臣則黜彭祖詐之術五伯所不為也苟以是心待其臣則不視者豈得而使若夫祿之以天下而不顧繫馬千駟而之君待臣以利臣以報之此必然之理也太宗以道報輔太子而為此詭計勣之機心豈不曉以利誘乎廢立之際不肯盡忠雖勣無大臣也

**集覽** 疊州屬郡也在隴右

**正** 誤 疊州今按疊州西羌之地周武帝置以山重疊名之唐地理志隴右道疊州合川郡合州疑即合州字誤

**質實** 所置武德中析洮州之意一統志云疊州唐初

後廢焉故城在陝西洮州衛軍民指揮使司城南界

三幕四五伯注見

漢武帝建元元年

衛公李靖卒考證

當分註

質實

衛州名注見秦

帝崩長

孫無忌褚遂良受遺詔輔太子還宮發喪罷遼東兵

上善病增劇太子晝夜不離側或累日不食髮有變白者上召長孫無忌褚遂良入卧内謂之曰太子仁孝善輔導之謂太子曰無忌遂良在汝勿憂天下又謂遂良曰無忌盡忠於我我有天下多其力也我死勿令遂良間之仍令遂良草遺詔有頃上崩秘不發喪無忌等請太子先還飛騎勁兵及舊將皆從大行御馬輿繼至發喪宣遺詔罷遼東之後及諸土木之功四夷入仕及朝貢者數百人聞喪皆慟哭剪髮髻面割耳流血灑地

**集覽** 太行御馬輿太行注見漢昭帝元平元年御乘也

**質實** 遼東郡名注見

輿 質實 秦王政三年



**書法**

賀善贊曰太宗令德善政相望于冊莫難於再事其失德亦不少莫大於書殺太子建成齊王元吉書帝自稱太上皇太子即位書立皇子明為曹王三事綱目於太宗予之之意不如惜之深也

以于志寧張行成為侍中高季輔為中書令○六月太子

**即位考證**

太子作太子治

高宗初即位召朝集使謂曰朕初即位事有不便於百姓者悉宜陳不盡者更對奏自是日引刺史十人入閣問以百姓疾苦及其政治嘗問大理卿唐臨繫囚之數對曰見囚五十餘人惟二人應死上悅上嘗錄繫囚前卿所處者多號呼稱冤臨所處者獨無言上恠問其故囚曰唐卿所處本自無冤上歎息良久曰治獄者不當如是邪有洛陽人李泰弘誣告長孫無忌謀反上立命殺之無忌遂良同心輔政上亦尊禮二人恭已以聽之故永徽之政百姓阜安有貞觀之遺風

**集覽**

朝集使注見陳宣帝太建十三年錄繫囚注見漢明帝永

平十四年

**改官名犯先帝諱者**

先是太宗二名令天下不發言者勿避至是始避之

**發明**

二名不偏諱禮也太宗名世民令天下不發言者勿避至是始避之如李世勣虞世南之類皆不

復改易至是始令避之亦可謂有近古之風矣自世俗諛諛成風遂至舊諱嫌名稍涉疑似者皆缺不用由是忌諱繁多名實混亂胡不觀諸綱目所書李世勣之類而體放之乎○丘濬曰周人以諱事神故於先世之諱祭祀之際尤嚴焉然禮不諱嫌名二名不偏諱詩書不諱後世乃至以理易治以代易世諱晉而不稱進士之名諱桓而併改音完之字則太甚矣雖然臨文讀書嫌名二名固可以不諱也若夫命名之際則不可不謹焉夫嫌名固不諱矣若夫命名者名字偶有犯於嫌音疑似之間可但已乎二名固不諱矣然以祖宗廟諱為已之名稱及以命其子孫可乎故雖君上不為之禁而凡為臣子者心有所不



安則耳有所不聞  
口有所不忍道也

以長孫無忌為太尉李勣為開府儀同三司並同三品。

### 秋八月地震

晉州尤甚壓  
殺五千餘人  
晉州注見漢獻帝  
建安七年河東

### 書法

於是晉州尤甚壓死五千餘人網目書地震一  
壓死四百餘人者有言四千  
餘人者數未有多於此者也

### 葬昭陵

阿史那社爾契必何力請殉葬上遣人諭以先旨不許  
蠻夷君長為帝所擒服者頡利等十四人皆琢石為  
象列於北司門內范氏曰太宗以武撥亂以仁勝殘  
其材畧優於漢高而規模不及也恭儉不若孝文而功  
烈過之矣迹其性本疆悍勇不顧親而能畏義好賢屈  
已從諫刻厲矯揉力於為善此所以致貞觀之治也夫

賢君不世出自周武成康歷八百餘年而後有漢漢  
君擇其善者而從之足以得師其不善者以戒之足以  
為資矣胡氏曰太宗見隋煬拒諫而亡力反其道勉彊  
納諫自漢以後一人而已可謂賢矣然前失雖更後失  
危亂之漸多其比太甲則治安之效著其後忠益向少則  
豈直倍蓰哉當時以諫諍為已任而為太宗所畏敬者  
莫若魏徵然其生也嘗欲殺之其死也竟納諫間太甲  
成王豈有是耶夫伊尹周公心傳堯舜之道而無差者  
也鄭文貞公口言堯舜之道而或中者也然伊周能使  
太甲成王為商周之賢王而猶不能使之為湯武也則  
魏徵格君與太宗所就  
**集覽** 陳子車死其妻與其家大  
止於如是無足恠矣  
夫謀以殉葬定而後陳子亢至以告曰夫其疾莫養於  
下請以殉葬子亢曰以殉葬非禮也雖然則彼疾當養  
者孰若妻與宰吾欲以二子者之為之也於是弗果用  
又陳乾昔寢疾屬其兄弟命其子曰如我死則必大為  
我棺使吾二婢子夾我陳乾昔死其子曰如我死則必大為  
也况又同棺乎弗果殺司馬門注見秦二世三年倍從



子本等曰倍五倍曰獲獲物數也孟子或相倍獲注  
獲音師又山綺反鄭文貞公魏徵封鄭公謚曰文貞  
**實**一統志云昭陵在西安府醴泉縣九峻山有廟存焉  
陪葬諸王七公主二十一妃嬪八又房玄齡杜如晦  
魏徵馬周岑文本崔敦禮李勣李靖温彦博蕭瑀高士  
庶長孫無忌許敬宗凡十三人皆以宰相陪唐儉姜晦  
李亮亮世南杜正倫姚思廉褚亮薛收馬載段倫張  
後胤孔志亮間立本房仁裕實庭蘭盛貞松裴藝李珍  
等凡五十三人俱以丞郎三品陪阿史那忠尉遲敬德  
秦叔寶周護仁等凡六十四人俱以功臣大將軍陪

九月以李勣為左僕射○冬十一月詔僕王泰開府置僚

屬

**書法**

高宗於是為不宿怨矣書美之也

成庚

高宗皇帝永徽元年春正月立妃王氏為皇后○詔衡山公主侯喪畢成昏

太宗女衡山公主應適長孫氏有司以為服既公除欲  
以今秋成昏于志寧言漢文立制本為百姓公主服本  
斬衰繼使服隨例除豈可惜隨例改請俟三年喪畢成  
昏上從之范氏曰君喪三年自古以來未之改也漢文  
率情變禮雖欲自損以便人而不知使人入於夷狄也  
自是以後民不知戴君之義而嗣君遂亦不為二年之  
服唐之人主鮮能謹於禮者故有公除而議昏亮陰而  
舉樂忘父子之親固不可矣然如漢文之制志寧之議  
是亦有父子而無君臣也內無父子外無君臣而欲教  
化行禮俗成難矣為國家者必務革漢文之薄制遵三  
代之隆禮教天下以方喪三  
年則衆著於君臣之義矣  
**集覽**漢文立制漢文帝遺  
泰始二年以日易月亮陰注見漢昭帝元平元年諒闇  
方喪三年記檀弓上事君有犯而無隱左右就養有方  
服勤至死方喪三年注方喪  
資於事父凡此以義為制  
**質實**衡山縣名注見太宗  
見漢昭帝元平元年  
斬衰注

**書法**

喪畢成昏常禮也其書何唐俗以公除昏嫁父矣於是始正故特書之

通鑑綱目卷四十一



**發明** 昏禮未有不在從吉之後者何必特書于冊所  
事不書其見於特書皆有得失存乎其間觀者不可不察也

### 秋九月高侃擊突厥車鼻可汗擒之

侃至阿息山車鼻發諸部兵皆不應遂以數百騎走侃  
追獲之送京師獻於廟社及昭陵而赦之置狼山都督  
於麟督軍山統其餘衆於是突厥諸部盡為內臣置單  
于瀚海二都護府十都督二十二州分統之自是北邊  
無寇三十餘年 **質實** 單于注見秦王政三年

### 冬十月李勣解僕射仍同三品以褚遂良為同州刺史

監察御史常思謙劾奏遂良 **質實** 常思謙鄭州人左遷  
抑買人地左遷同州刺史 **質實** 注見漢宣帝元康二  
年同州注見玄宗開元十一年

**發明** 遂良受遺輔政固當正身格君豈容買地以自  
汙然顧命大臣非有大過豈宜輕於譴逐坐是

左遷亦既為之兆矣善遂良刺同州而  
不言其故遂良尚可知進而不知退乎

### 二年春正月以黃門侍郎宇文節中書侍郎柳奭同三品

### 秋七月西突厥賀魯殺射匱可汗自立為沙鉢羅可汗

### 詔武侯大將軍梁建方等討之 **考異** 討當作擊

瑤池都督阿史那賀魯招集離散廬帳漸盛聞太宗崩  
以其衆叛擊破射匱可汗併其衆自號沙鉢羅可汗西  
擊射匱城之勝兵數十萬與乙毗咄陸連兵處月處密  
及西域諸國多附之至是進寇庭州攻陷金嶺城詔梁  
建方契苾何力發兵三萬 **集覽** 廬帳漢書所謂穹廬也  
及回紇五萬騎以討之 **集覽** 顏師古曰穹廬旃帳也  
其形穹隆故曰穹廬處月處密 **質實** 西域注見  
處密皆西域國名也本西突厥之別部 **質實** 漢哀帝元  
壽二年庭州注見齊明帝建武四年高昌

### 八月以于志寧張行成為僕射同三品高季輔為侍中

亥辛



冬十一月詔獻鷹隼犬馬者罪之

**書法**

書美之也綱目書獻而却者四禁罷貢廢者十四詳漢文帝元年莫嚴於罪之之詔者矣

**發明**

是時高宗初政清明故其施設如此夫罷獻鷹犬已為盛德况又從而罪之乎書法若是蓋予

也之

三年春正月吐谷渾新羅高麗百濟並遣使入貢○梁建

方等大破虜月朱邪於牢山

先是虜月朱邪孤注殺招慰使與突厥賀魯相結建方破之於牢山生擒孤注斬首九千級軍還御史劾奏建

方逗遛高德逸救令市馬而自取駿者上以其有功釋不問大理卿李道裕奏請以其馬實中廐上曰道裕法

官進馬非其本職妄希朕意豈朕行事不為**集覽**朱邪

臣下所信邪朕方自咎故不復黜道裕耳**集覽**朱邪

之別種西突厥苗裔本號朱邪世居金婆山之陽蒲類海東其地有大磧名沙陀後因以沙陀為號以朱邪為

姓唐憲宗時有朱邪盡忠始見於中國其後有朱邪實赤心懿宗時賜姓李名國昌克用其子也邪移遮反**實**

**實** 帝元平三年

以褚遂良為吏部尚書同三品○二月御安福門樓觀百

**戲考異**

御上漏 帝字

上謂侍臣曰朕舊聞胡人善為擊鞠嘗一觀之昨初升樓即有群胡擊鞠意謂朕篤好之也帝王所為豈宜容

易朕已焚此鞠冀杜胡人窺望之情亦因以自誠**范氏**曰高宗即位之初問民疾苦尊禮輔相察道裕希旨而

自責親胡人進戲而自戒率是道也豈不足為賢君哉不數年而悖謬昏惑卒成武氏之篡何哉初親賢後用

佞也可**集覽**擊鞠崔豹古今注黃帝習兵之勢或曰起不戒哉**集覽**戰國所以練武士因嬉戲而講習之案擊

鞠猶今言打毬謂騎而以杖擊之者又非蹴鞠之說

**書法**

凡觀戲也觀戲甚矣終綱目書觀十詳漢後主建興十四年而書觀戲者三是年中宗神龍元

通鑑綱目卷四十一 唐高宗永徽三年 五十一



年景龍三年  
作述一轍也

三月以宇文節為侍中柳奭為中書令韓瑗為黃門侍郎

同三品○秋七月立陳王忠為皇太子

**質實**  
陳州名注見周赧王三十

年六

王皇后無子其舅柳奭為后謀以忠母微賤勸后請立為太子上從之

九月以中書侍郎來濟同三品○冬十一月濮王泰卒

**實**

濮州名注見周安王五年

**書法**

卒濮王何善帝也高宗於是可謂以恩始終矣

**發明**

前代宗親有疑似之迹者率皆不得良死濮王泰乃窺伺儲位之人此正夫人所當致其察者故前書開府置僚屬而此書其卒正以著其始終無他于以見高宗友愛保全之意矣亦豈無故而書之

**癸丑**

四年春二月散騎常侍房遺愛及高陽公主謀反伏誅遂殺荆王元景吳王恪流宇文節於嶺表

也哉

初房遺愛尚太宗女高陽公主公主驕恣甚與浮屠辯機等數人私通事覺怨望遂使掖庭令陳玄運伺宮省機祥遺愛亦與駙馬都尉薛萬徹柴令武謀奉荆王元景為主以舉事至是公主謀黜遺愛兄遺直封爵使人誣告遺直罪上令長孫無忌鞫之更獲遺愛及主反狀吳王恪有文武才素為物情所向太宗欲立之無忌固爭而止遂與無忌相惡無忌欲因事誅之遺愛因言與恪同謀冀得免死於是遺愛萬徹令武皆斬元景恪高陽巴陵公主並賜自盡恪且死罵曰長孫無忌竊弄威權構害良善宗社有靈當族滅不久宇文節江夏王道宗執失思力並坐與遺愛交通流嶺表道宗素與無忌及褚遂良不協故皆得罪罷玄齡配饗胡氏曰唐起晉陽裴劉之謀太宗承統房杜之策也是其富貴安樂當與有唐相為始終而禍敗之及或在其身或在其子孫



何也裴寂以貧賤為歎文靜在縲繼之中贊唐公父子起事非有極亂匡時之畧亦欲自免因圖富貴而已房杜之質固非裴劉所敢班然太白經天之際密進籌畫使太宗手剪兄弟并殺其子十人此不但陳平之陰禍而已其宗嗣不延宜哉故四族既隕而唐之子孫亦戕殲于武氏善惡之積各以類應及爾之戒酷亦甚矣然後知聖人行一不義殺一不辜而得天下所不為者豈徒然哉又曰無忌因遺愛之獄濫及吳王遂良所宜採止也既不能然復以素不相協而斥道宗其不能保終而來諛口有以也夫又曰父子兄弟罪不相及今以遺愛糾玄齡而無忌遂良奉承不諫其以為集覽浮屠辯嫌乎抑以為是乎二者必居一焉皆失也

僧也辯機僧之名機祥注見隋文帝開皇十四年相惡左傳隱三年周鄭交惡注交惡兩相疾惡也惡如字又定十三年韓簡子與中行文子相惡

注惡如字又烏路反執失虜復姓

高陽縣名注見晉愍帝建興四年被遷令官名注見漢景帝後元元年巴陵縣名注見晉明帝咸和四年晉陽縣名注見周威烈王二十三年裴劉謂裴寂劉文靜房杜謂房玄齡杜如晦縲繼注見隋文帝開皇二十一年太

白經天注見高祖武德九年

**書法**

四人之死一也或書伏誅或書遂殺綱目有以斷斯獄矣

**發明**

遺愛元景恪同以反誅而所書不同何也遺愛謀奉荆王固非出於荆王首謀若恪則又長孫無忌惡而濫殺之矣故特書遂殺者明其因遺愛之反而遂因事以殺之也不然輕重是否幾於無別矣

以李勣為司空○秋九月北平公張行成卒以褚遂良為

**右僕射質實**

北平縣名注見漢高帝七年

○冬十一月以崔敦禮為侍

中○十二月高季輔卒○西突厥咄陸可汗死

乙毗咄陸死其子頡婁達度諡號真珠葉護與沙鉢羅有隙擊破之尋復為沙鉢羅所併

五年春三月以太宗才人武氏為昭儀

初蕭淑妃有寵王后疾之上之為太子也入侍太宗見才人武氏而悅之太宗崩武氏出為尼忌日上請寺行

寅甲



香見之泣后聞之陰令長髮納之後宮欲以間淑妃之寵武氏巧慧多權數初入宮屈體事而后數稱其美未幾大幸拜為昭儀后及淑妃寵皆衰更相與譖之上皆不納昭儀欲追贈其父而無名故託以褒賞功臣偏贈屈突通等而**集覽**大幸蔡邕曰妃妾之接於**實實**才人武士獲豫焉寢曰御御之親愛者曰幸又云名南史曰晉武帝采漢魏之制三夫人外有才人又云晉武所置而通典內命職漢有才人則疑漢置矣武氏名嬰太原人士護之女昭儀女官名事物紀原云漢元帝置昭儀封后代或省元魏置左右昭儀視大司馬北齊文宣時比丞相唐為九嬪也

**書法**

昭儀不書書武氏志禍始也直書太宗才人而高宗之慙德不可掩矣故魏主以爾朱為后則

**書肅宗**

宗才人是年皆惡其瀆倫也綱目之筆嚴矣哉

**發明**

貞觀十一年書以武氏為才人距太宗之終十有三年則武蓋十三年在宮中侍太宗矣當高宗

宗為太子入侍之時見而悅之已有無父淫烝之意若以春秋誅心之法論之其去揚廣僅一間耳時移

地改浸浸忘之一旦忽見可欲此心勃然而生蓋其不善之念猶投種於地有待而發而終不能改也夫人之異乎禽獸者以有禮義耳衛公子頑通乎若母謂其為鳥獸行內亂今武氏父侍太宗而高宗納之後宮立為昭儀未幾遂正位中宮母儀天下縱使無亂唐之事亦不可見于宗廟臨于民上矣衛有鷄鵲之亂遂為狄人所滅唐有聚麀之亂子孫織滅幾盡自古淫汙內亂之事未有不亡國敗家者綱目特以太宗才人武氏書之則高宗上烝父妾罪曉然矣水免禍亂之作得乎

**夏閏四月帝在萬年宮夜大水**

上在萬年宮夜大雨山水衝玄武門衛士皆走郎將薛仁貴曰天子有急敢畏死乎登門枕大呼以警宮內上遽出乘高俄而水入**集覽**門枕枕古黃反門之上橫木寢殿漂溺三千餘人**實實**萬年宮注見隋文帝言門**實實**開皇十三年仁壽宮



書法

書帝在何咎不明也三月立昭儀而閏四月大

網目聯書之而特書帝在若曰天即其所而戒昭昭矣

面命不啻而帝不悟也其旨深矣終綱目書大水六

十三詳漢文帝元年水入宮者一而已是年

一而巳水書夜者一而已是年

而及溢入寢殿則其應曉然明矣彼昏不知惜不加

察尚可與之言乎綱目上書武氏為昭儀下書帝在

萬年宮夜大水其為世

鑒豈不深切著明也哉

六月恒州大水

漂溺五千餘家胡氏曰謂治亂非天数邪則周秦卜世

漢家陽九隋蕭平仲唐李淳風之言不誣也謂皆天數

邪則高宗正厥事周公代元死宣王側身脩行早不為

災之應不誣也古先聖王所以不恃天命必盡人事如

醫者療疾雖有死症而必冀其生也唐太宗有功在人

無一世即亡之理故天於高宗再三譴告庶其覺悟借

乎高宗之不察也即位之歲地震晉陽武氏入宮水入

寢殿雖父之詔子詩諄然命之不若是切矣高宗既視

之漢然大臣亦無以恐懼脩省告其君者豈天固

欲中微唐室耶何人謀之忽不如天意之昭也

漢家陽九陽九陽九也漢律歷志三統閏法初入元百六

陽九凡四千六百一十七歲為一元終注云所謂陽九

之危百六之會初元百六歲為一元之中有九危餘氣

也若餘為閏也漢書音義曰一元之中有九危陽九

五陰尼四陽為早陰為水即入元百六歲有陽危故曰

百六之會文選吳都賦世濟陽九注易無妄曰災氣有

質實

恒州注見漢光武建武九年常山

標季注孟康曰高宗正厥事商書高宗彤日篇高

宗彤日越有雉雉祖巳日惟先格王正厥事周公代兄

死通鑑周武王二年王有疾周公為壇告太王季文

王請代武王之死周公乃以卜書藏於金滕櫃中王疾

瘳宣王側身脩行通鑑周宣王二十三年王嘗宴起姜

后脫簪珥待罪於永巷使其傳母通言於王曰王樂色

而忘德失礼而晏起亂之興自婢子始敢請罪王曰寡

集覽

集覽

集覽

集覽

集覽

集覽

集覽

集覽

集覽

集覽

集覽

集覽

集覽

集覽

集覽



人不德實自生過非夫人之罪也自是側身脩行動  
於政事早朝宴罷卒成中興之名詩諄諄語重復也

柳奭罷  
奭以王右寵  
衰求罷許之

冬十月築長安外郭

雍州參軍薛景宣上言漢惠帝城長安尋晏駕今復城  
之必有大咎于志寧等以景宣言涉不順請誅之上曰  
景宣雖狂妄若得罪恐絕言路遂赦之○上嘗謂宰相  
曰聞所在官司行事互觀顏面多不盡公長孫無忌對  
曰此豈能無然亦不至肆情曲法至於小小收取人情  
恐陛下亦不能免上嘉納之胡氏曰常情易私而難公  
况帝王位尊威福自我雖格以公道猶肆於情欲也况  
為開其私邪之路乎高宗以官司不盡公問無忌無忌  
宜勸其君正身以率臣下其私情曲法者刑責加焉則  
朝廷正矣無忌乃導以收取人情其為蠹政豈有既邪  
○上嘗出畋遇雨問諫議大夫谷那律曰油衣若為則  
不漏對曰以瓦為之必不漏上悅為之罷獵○引駕盧

文操盜左藏物上命誅之諫議大夫蕭鈞諫曰文操情  
實難原然法不至死上乃免之顧侍臣曰此真諫議也  
○上嘗謂五品以上曰頃在先帝左右見五品以上論  
事或仗下面陳或退上封事終日不絕豈今日獨無事  
邪何公等皆不言也范氏曰以高宗之闇而求言如  
此由祖宗為之法也詩曰詒厥孫謀太宗之謂矣

覽

伏下陳謂仗退之後面說陳奏也按唐制侍御親  
兵及殿前兩司號曰三衙番上分為五仗一曰

供奉仗二曰親仗三曰勳仗四曰翊仗五曰散手仗皆  
帶刀提仗列坐于東西廊下又每月以望十六日立內  
廊閣外號曰內仗車馬之衆盛矣初貞觀之制中書門  
下及三品官奏事必使諫官御史官隨之有失則匡正  
惡必記之諸司皆正衙奏事御史彈百官服冠對仗  
讀彈文及許敬宗等用事奏事官多俟仗下於御座前  
屏人密奏監察御史及待制官遠立以俟其退  
諫官史官皆隨仗出仗下後事不復預聞也

質實

雍州

注見玄宗開元十一年京兆晏駕注見漢高帝十二年  
谷那律魏州昌樂人左藏庫名注見代宗大曆四年蕭  
鈞蘭陵人  
瑤之從子



**書法** 外郭未有書者書此何重京都也終綱目書築外郭四是年中宗嗣聖九年玄宗開元十八年  
五代已亥年  
皆都城也

### 大稔

洛中粟米斗兩錢半稅米斗十錢隋  
開皇中戶八百七十萬今三百八十萬  
年洛 **質實** 洛中注見周顯王三

**書法** 東魏嘗書大稔矣梁辛酉年於是再見終綱目書大稔四梁辛酉年是年德宗貞元三年憲宗

元和六年書大熟一晉武帝太元七年書有年大有年不與焉

**發明** 是時君德浸昏何以獲歲登之效得非太宗遺澤所及乎自是而後牝雞司晨無復善治天下

日益多事矣不書有年而書大稔遂與東魏同科蓋亦予之而不盡予者也其旨微矣

### 以長孫無忌子三人為朝散大夫

**考異** 子上當有庶字

王皇右蕭淑妃與武昭儀更相譖訐后不能曲事上左昭儀伺后所不敬者必傾心與相結由是后及淑妃動靜昭儀必知之皆以聞於上后寵雖衰然上未有意廢也會昭儀生女后憐而弄之右出昭儀潛扼殺之上至昭儀傷歡笑發被觀之女已死矣即驚啼問左右左右皆曰皇后適來此上大怒曰后殺吾女昭儀因泣數其罪后無以自明上由是有廢立之志又恐大臣不從乃與昭儀幸長孫無忌第酣飲極歡拜無忌寵姬子三人皆為朝散大夫仍載金寶繒錦十車以賜無忌上因從容言皇后無子以諷無忌無忌對以他語上與昭儀皆不悅而罷禮部尚書許敬宗亦數勸無忌無忌厲色折之范氏曰大臣欲以義正君而先浚於利則不足以為重矣高宗欲利誘無忌使之從已無忌苟能辭官反賜使知太臣之不可誘以利亦足以搭其非心矣不知出此卒致武后之怨來姦臣之謀高宗無足譏焉惜乎無忌之不學也

### 集覽

陽歡笑陽與從容注見漢宣

### 質實

帝地節三年

### 書法

金尚子瑋書名漢獻帝建安二年此其不名何幼也幼固可畧乎譏也君不自克而密誘之臣







唐因隋制後宮有貴妃淑妃德妃賢妃皆視一品上欲特置宸妃以昭儀為之韓璣來濟諫以為故事無之乃止

**質實**

韓璣三原人仲良之子

秋七月貶柳奭為榮州刺史

**質實**

一統志云榮州本漢南安縣地齊屬南安郡隋

置太平縣屬資州唐析太平置旭川縣以縣置榮州天宝初改和義郡乾元初又為榮州宋初因之治榮德縣後陞為紹熙府元復為榮州屬嘉定路本

初武昭儀誣王后與其母為厭勝禁不得入宮因并貶奭

**集覽**

厭勝注見漢章帝建初七年

以李義府為中書侍郎

中書古人李義府為長孫無忌所惡左遷壁州司馬義府問計於中書舍人王德儉德儉曰上欲立武昭儀恐宰臣異議君能建策立之則轉禍為福矣義府然之叩閣表請上悅留之超拜中書侍郎於是衛尉卿許敬宗御史大夫崔義玄中丞袁公瑜皆潛布腹心於昭儀矣

**質實**

李義府瀛洲人一統志云壁州本漢巴郡

八月始置負外同正官

**書法**

負外之名始此

以裴行儉為西州長史

長安令裴行儉聞將立武昭儀以國家之禍必由此始與長孫無忌褚遂良私議其事袁公瑜聞之以告昭儀母楊氏行儉坐左遷

**質實**

西州注見齊明帝建武四年高昌長安縣名注見漢惠帝五年裴行儉絳州人

九月貶褚遂良為潭州都督

上召長孫無忌李勣于志寧褚遂良入內殿遂良曰今日之召多為中宮上意既決逆之必死太尉元舅司空



功臣不可使上有殺元舅功臣之名遂良起於草茅無  
汗馬之勞致位至此且受顧託不以死爭之何以見  
先帝勳稱疾無忌等入上曰武昭儀有子欲立為后何  
如遂良對曰皇后名家子先帝為陛下娶之臨崩執陛  
下手謂臣曰朕佳兒佳婦今以付卿非有大故不可廢  
也上不悅而罷明日又言之遂良曰陛下必欲易皇后  
請擇令族何必武氏武氏經事先帝衆所共知萬代之  
後謂陛下為何如臣今忤陛下意罪當死因置笏於殿  
階叩頭流血曰還陛下笏乞放歸田里上大怒命引出  
昭儀在簾中大言曰何不撲殺此獠無忌曰遂良受先  
朝顧命有罪不可加刑于志寧不敢言韓瑗因泣涕極  
諫上不納瑗又上疏曰如已傾廢衰妙城周每覽前古  
常興歎息不謂今日塵黷聖代陛下不用臣言臣恐宗  
廟不血食矣來濟上表曰王者立后上法乾坤必擇禮  
教名家出開令淑副四海之望稱神祇之心漢成以婢  
為后卒使社稷傾淪惟陛下察之上皆不納他日李勣  
入見上問之曰朕欲立武昭儀為后遂良固執以為不  
可事當且已乎對曰此陛下家事何必更問外人上意  
遂決范氏曰高宗欲廢立而取決於李勣之一言勣若  
以為不可則武氏必不立矣勣非惟不諫又勸成之親

賢遭禍唐室中絕皆勣之由其禍博矣太宗以勣為忠  
託以幼孤而其大節如此書曰知人則哲惟帝其難之  
信矣○許敬宗宣言於朝曰田舍翁多收十斛麥尚欲  
易婦况天子立一后何豫諸人事而妄生異議昭儀令  
左右以聞貶遂良為潭州都督其後韓瑗上疏為遂良  
訟寬曰遂良體國忘家捐身殉物風霜其操鐵石其心  
社稷之舊臣陛下不聽瑗復言曰昔微子去而殷國以亡  
辜稍寬非罪上不聽瑗復言曰昔微子去而殷國以亡  
張華存而網紀不亂陛下無故棄逐舊臣恐非國家之  
福上不納胡氏曰褚遂良忠矣然昧於消息盈虛之理  
始壯勿取之義毫釐不伐至用斧柯而無所及茲人謀  
有未盡不可歸之天數也若當武氏長髮之時率協群  
公上書皇后沮止其事深諫高宗割制邪慝勿干先帝  
之私悉意竭忠不遺餘力其勢必不可遏也當其時而不  
治及事既成雖叩  
**集覽** 撲殺此獠撲弼角反撲殺投擲  
夷曰獠遂良杭州人故云姐已注見隋文帝開皇九年  
褒姒索隱曰褒國名姓姒氏按禮婦人稱國及姓其女  
是龍萊所生妖子為人所收褒人納之于王故曰褒姒  
括地志云褒國故城在梁州褒城縣東古褒國也塵蹟

通鑑綱目卷四十四 唐高宗本紀六年 五十九



國語晉司空季子謂文公曰男女不相及畏黷也黷則  
生怨怨亂毓災毓災滅性又晉張華女史箴曰歡不可  
以黷寵不可以專張華晉武帝時人消息盈虛易豐卦  
日中則昃月盈則食天地盈虛與時消息而況於人乎  
伊川先生傳曰盈虛謂盛衰消息謂進退天地之運亦  
隨時進退也莊子秋水篇年不可舉時不可止消息盈  
虛終則有始郭象注云陰消陽息夏盈冬虛氣序循環  
終而復始史記曆書太史公曰黃帝建立五行起消息  
注正義曰皇侃云乾者陽生為息坤者陰死為消姤壯  
勿取之義易始卦女壯勿用取女注始女且反取七喻  
反伊川先生傳曰一陰始生自是而長漸以盛矣是女  
之將長壯也陰長則陽消女壯則男弱故戒勿用取如  
是之女取女者欲其柔和順從以成家道始乃方進之  
陰漸壯而敵陽者是以不可取也女漸壯則失男女之  
正家道敗矣始雖一陰而遇五陽則女德不貞而壯之甚  
本義曰始遇也一陰而遇五陽則女德不貞而壯之甚  
也取以自配質實姐已傾殷按史記姐已殷王紂之后  
必害乎陽質實有蘇氏之女也有寵於紂其言皆從  
天下怨之周武王卒兵伐紂遂斬姐已褒姒周按史  
記褒姒周幽王之后褒人之女也王嬖褒姒廢申后及

太子宜臼宜臼召犬戎殺王及褒姒于驪山之下漢成  
以婢為后事在鴻嘉三年社稷注見新莽天鳳元年潭  
州注見漢獻帝興平元年微子去而殷國以亡微子紂  
之庶兄見紂無道去之以存宗祀張華存而綱紀不亂  
張華范陽方城人事  
在晉武帝太康元年

**書法**

**發明**

氏也屬辭此事高宗之溺愛甚矣  
前書以無忌子為大夫其責在無忌此書敗遂  
良為都督其責在高宗遂良前日左遷同州不  
書敗點今此特書敗者明其無罪見敗以重高宗之  
惡耳高宗無故欲廢其后而立先君之妾又以無罪  
而黜顧命大臣一舉而三失  
具矣尚可與之有為哉吁

冬十月廢皇后王氏為庶人立昭儀武氏為皇后

詔曰武氏門著勳庸地華纓嚴往以才行選入後庭朕  
昔在儲貳常得侍從嬪嬙之間未嘗逾目聖情鑒悉每  
垂賞歎遂以賜朕事同政君可立為皇后后上表曰陛  
下前以妾為宸妃韓瑗來濟面折廷爭乞加褒賞上以

通鑑綱目卷四十一 晉高宗末 六年



表示之瓊等大懼屢請去不許百官朝右於肅儀門故  
右王氏淑妃蕭氏並囚於別院上嘗念之間行至其所  
呼之王右泣對曰至尊若念疇昔使得再見日月幸甚  
上曰朕即有處置武右聞之大怒遣人斷去手足投酒  
甕中曰令二姬骨醉數日而死又斬之右數見王蕭為  
崇如死時狀故多在洛陽不敢歸長安胡氏曰孔子曰  
其身正不令而行其身不正雖令不從太宗作帝範以  
訓太子其事備矣然皆空言也高宗之所取法者太宗  
之所行爾武氏之立其以納集刺王妃為

**集覽**

肅門著勳

法乎故唐世無正家之法田太宗首惡也  
因勳庸而著顯以右父武士護嘗從高祖平京師也禮  
王功曰勳民功曰庸鄭玄曰王功謂輔成王業也勳者  
功之總名王功至大故名曰勳民功謂法施於民也庸  
常也國家為民立官故有功於民謂之庸地華纓黻也  
宵有纓黻之榮華猶言簪纓名家也史昭曰纓冠系也  
黻以纁為之黑與青畫兩已相背象君臣可否相濟也  
本紀伊尹從湯言九主之事注劉向別錄曰九主者有  
法君專君授君勞君等君君破君國君三歲社君凡  
九品索隱曰按注劉向所稱九主載之七錄名稱甚奇

不知所憑據耳法君謂用法嚴急之君若秦孝公及始  
皇等也勞君謂勤勞天下若禹稷等也等君等者平也  
謂定等威均祿賞若漢高封功臣侯雍齒也授君謂人  
君不能自理而政歸其臣若燕王噲授子之禹授益之  
比也專君謂專已獨斷不任賢臣若漢宣之比也破君  
謂輕敵致寇國滅身死若楚代吳淝等也寄君謂人因  
於下主驕於上離析可待故孟子謂之寄公也國君國  
當為固字之訛耳固謂完城郭利甲兵而不脩德若三  
苗智伯之類也三歲社君謂在襁褓

**正誤**

按漢元帝為

太子時社稷若周成王漢昭平等是也  
元帝即位立政君為右即元右也唐高宗謂昔為太子  
時太宗以武氏賜朕其政與王政君同故立為皇右集  
覽不究其然乃引九主為證亡慮二百六十餘字以為  
政君猶授君若燕王噲授子之之北然則高宗立  
右之初遷有授之以政之意乎其不達事體如此

**質實**

**書法**

凡廢立聯書所廢因所立也是故有陰氏而後  
郭氏廢漢光武建武十七年有郁久閭氏而後



乙弗氏廢齊庚申年有武氏而後王氏廢是年綱目皆聯書之著所因也然則武氏弒王右何以不書畧之也曷為畧之武氏至於滅唐則弒右不足言矣終綱目書廢右為庶人二晉賈氏唐王右氏常氏追廢不

馬與

**發明**

王右之廢不以罪書是無故見廢也武氏之立前已書太宗才人則此不必再書已知其為先

君之妾矣然則王右之死何以不書高宗昏於社席動不由已故武氏一聞泣對之言殺之如斃犬豕綱目遂不復書于冊者正以著高宗愚闇之失雖宮闈之內其故右為人所殺亦且不得而知此則綱目不書之意也嗚呼高宗至是雖有心腹耳目已不得而有用矣哀哉

### 以中書侍郎李義府參知政事

**覽**

義府容貌温恭與人語必嬉怡微笑而狡險忌刻故時人謂義府笑中有刀又以其柔而害物謂之李猫

**集**

**忌**

忌刻忌嫉刻剝也一本刻作克史炤曰忌謂畏忌憎惡克謂好勝賊害左傳令其言多忌刻

**發明**

前書李義府為中書侍郎未見其附會之跡至此上書廢王右立武氏下書以義府參知政事

前雖不必考之分註已知其主廢立之謀矣事有不待貶黜而惡自見者此類是也

丙辰

### 顯慶元年春正月以太子忠為梁王立代王弘為皇太子

**考異**

以當作廢按凡例正統廢其右太子無罪曰廢某人

弘武右所生也生四年矣初許敬宗奏曰在東宮者所出本微今知國家已有正嫡必不自安恐非宗廟之福於是遂廢忠而立弘忠既廢官屬無敢見者右庶子李安仁獨候見涕泣拜辭而去

**書法**

太子廢書廢陳王成美立為太子矣其廢也雖復為陳王書廢未有書以者也此其書以何宜

**書法**

廢也忠則曷為宜廢帝之立之非也立子以嫡無嫡以賢王右利忠母之易制而請之私也而遽從之綱

目於此書以不書廢所以為梁王是年且不宜立則廢立則廢不書廢而書以為梁王是年且不宜立則廢



不書廢而書以為皇嗣中宗嗣聖七年終綱目書廢  
太子十一詳周赧王十六年皆不宜廢者也惟梁王  
忠書以德王裕書黜與書太子廢者二  
魏太子恂唐太子承乾皆宜廢之辭也

**發明**

武氏既立則其子不但為諸王而遂已故雖太  
子忠已正儲極廢之有若反掌此所以不書廢  
太子而書以太子忠為梁王也嗚呼高宗憫王右之  
憂閉一言而速其死今又不能子其子則亦寄生焉  
耳可哀也哉

二月贈武士護司徒賜爵周國公考異

據神龍元年書贈  
右父玄貞上洛王

則此武字  
當作右父

**書法**

書贈賜爵何譏私也贈未有賜爵者於是始見  
則士護其人焉終綱目書贈官十二詳晉明帝  
太寧三年贈賜爵三士護一  
帝玄貞惟贈賜爵皆譏辭

○夏免山東丁役

上謂侍臣曰朕思養人之道未得其要來濟對曰君之  
養人在省征役今山東後丁歲別數萬役之則人大勞  
取庸則人大費願量公家  
所須外餘悉免之上從之  
**管實** 山東道名注見宋文  
帝元嘉二十五年

六月詔以高祖配昊天於園丘太宗配五帝於明堂

**管實** 昊天注見隋恭帝義寧二年  
園丘注見漢後主建興十五年  
五帝注見漢景帝中六年  
明堂注見漢武帝建元元年

○崔敦禮卒○秋七月貶王義方為萊州司戶

李義府侍寵用事洛州婦人淳于氏美色繫大理獄義  
府屬大理丞畢正義枉法出之將納為妾事竟義府逼  
正義自縊以滅口上知而不問侍御史王義方欲奏彈  
之先白其母曰義方為御史視姦臣不糾則不忠糾之  
則身危而憂及於親為不孝柰何母曰昔王陵之母殺  
身以成子之名汝能盡忠以事君吾死不恨義方乃奏  
曰義府擅殺六品寺丞就云自殺亦由畏義府威殺身  
以滅口如此則生殺之威不由上出漸不可長對仗叱  
義府令下義府顧望不退義方乃三叱義府始  
趨出義方乃讀彈文上以義方毀辱大臣貶之  
**管實** 萊州



注見漢安帝永初二年東萊洛州注見秦莊襄王元年  
三川王義方泗州連水人王陵之母殺身以成子之名  
事在漢王  
邦三年

九月括州暴風海溢

質實

一統志云括州本秦會稽郡地漢初為東甌國武帝時屬會稽

郡三國吳蕪屬臨海郡晉屬永嘉郡隋廢郡置處州治括  
蒼尋改括州大業初復為永嘉郡唐復立括州治麗水天  
寶初改緡雲郡大曆中復為處州宋屬兩浙東路  
元改為處州路本朝改為處州府隸浙江道 ○冬十

二月程知節討沙鉢羅不克免官

程知節引軍至鷹婆川遇西突厥前軍總管蘇定方帥  
五百騎馳擊敗之副總管王文度害其功矯稱別得旨  
以知節恃勇輕敵委文度節制遂收軍不許深入定方  
言於知節曰上以公為大將必不更遣軍副專其號令  
請囚文度飛表以聞知節不從至恒篤城有群胡婦附  
文度欲殺之而取其資定方曰如此乃自為賊耳胡名  
伐叛文度竟殺之分其財獨定方不受師旋集覽  
文度坐矯詔滅死除名知節亦坐逗遛免官注見

漢宣帝本始三年

二年春正月遣蘇定方等復擊沙鉢羅

書法

前再書討矣此書擊何譏贖武也二年不克又復用師故譏之書復擊

三月以褚遂良為桂州都督李義府兼中書令

質實

注見秦始皇三十二年桂林 ○夏五月帝始隔日視事

上自即位每日視事宰相奏天下無虞請隔日視事許之

書法

宣帝五日一聽事不書此其書何女寵盛也故書譏之是故魏主未嘗月一視朝則書始以為

美梁戊戌年謝唐世未嘗隔日視事則書始以為譏是年

發明

宣王晚朝姜氏請愆唐高祖愛在席羞怠已甚是時李義府當國承望孽后之意請隔日視事蓋欲使之得以專意房帷之樂也高宗失德固不足責直筆書之姑以著內荒之跡耳



遣天竺方士歸國

天竺方士娑婆塞自言有長生之術太宗頗信之發使  
請婆羅門諸國采藥藥竟不就乃放還上即位復詣長  
安上復遣婦謂宰相曰自古安有神仙秦始皇漢武帝  
求之卒無所成果有不死之人今皆安在李勣對曰此  
人再來容髮衰白已改於前  
**集覽** 婆羅門注見太  
何能長生竟未及行而死  
天竺西域國名注見  
漢武帝元狩元年

書法

太宗嘗遣之矣不書書高宗何譏也方士以長  
生為術帝方極意女寵方士之方必多禁礙其  
不相入宜矣綱目上書隔日視  
事下書遣方士歸非美之也

發明

高宗專意房帷正欲得長生之樂何為銳於罷  
遣方士若是之明決哉武氏意在恣肆固非欲  
其君久於享國觀之晚年帝苦頭重之時武氏怒絕  
醫者之語則可見矣然則斥遣方士高宗蓋得之中  
旨也事雖若美而意則非是此綱目  
所以書於隔日視事之下以見意也

秋八月貶韓瑗來濟褚遂良皆為遠州刺史

許敬宗李義府誣奏韓瑗來濟與褚遂良潛謀不軌以  
桂州用武之地授遂良欲為外援遂皆坐貶瑗振州濟  
遂良所譜而李義府助之給事中樂彥璋曰劉洎自  
比伊霍不為無罪今雪洎罪則先帝為用刑不當矣上  
然其言事遂寢胡氏曰父有失德子不可揚而導之隱  
諱可也國家政刑治亂所繫苟不當理而拂人心安得  
避嫌而不改改之所以掩之也避嫌而不改則其失常  
在天下非之萬世議之是豈所以為孝乎劉洎之子欲  
雪父冤以褚令罪逐故假以為名庶其必行彥璋之言  
雖為先帝蓋用刑之失亦恐遂良由此重  
獲罪耳其意則是其言則非不可不察也

質實

不執注  
見漢靈

帝光武和五年振州注見高祖武德五年台州注見晉孝  
志云象州本秦桂林郡地漢為鬱林郡中溜潭中二縣  
地陳置象郡隋罷郡置象州治馬平大業中廢州州置  
象縣屬始安縣唐復置象州治陽壽縣天寶初改為象  
郡乾元初復為象州元改置象州路後復為州本朝

象縣屬始安縣唐復置象州治陽壽縣天寶初改為象  
郡乾元初復為象州元改置象州路後復為州本朝



以陽壽縣省入隸柳州府伊

**書法** 於是柳爽不書畧之也至殺之則不可不書矣

詔廢六天之祀合方丘神州為一祭

**集覽**

廢六天之祀自鄭玄以為昊天

上帝者天皇帝北辰耀魄寶也又太微五帝由是有六天之說蓋出於春秋緯文曜鉤等書唐頭慶禮猶著六大之說故禮部尚書許敬宗與禮官議黜之方丘注見漢後主建興十五年神州注見晉懷帝永嘉五年

許敬宗為侍中杜正倫為中書令冬十月蘇定方擊沙

鉢羅獲之分立與昔亡繼往絕二可汗

蘇定方至曳咥河西沙鉢羅帥兵十萬拒戰定方擊敗之斬獲數萬會大雪平地二尺軍中咸請俟晴而行定方曰虜恃雪深謂我不能進必且休息亟追之可及也乃兼行至其牙帳縱兵擊之斬獲又數萬沙鉢羅脫走趣石國定方於是息兵諸部各歸所居通道路置郵驛掩骸骨問疾苦畫疆場復生業凡為沙鉢羅所掠者悉

給還之十姓安堵如故乃命蕭嗣業將兵追沙鉢羅獲

之分西突厥地置崑陵濠池二都護府以彌射為興昔

亡可汗押五咄陸部部落步真為

繼往絕可汗押五弩失畢部落

反啞音迭牙帳注見玄宗開元八年石國在西域其先

本康居國其支庶分王之十姓初西突厥分其國為十

部每部酋長各賜一箭謂之十箭又分左右麻通謂之

十姓見太宗貞觀十二年五咄陸見同上五弩失畢見

以洛陽宮為東都

**質實**

東都注見秦莊襄王元年三川

**發明**

此武氏志也武氏忌王蕭之死不居京師故高宗崇飾別都以慶之此固綱目書法之意也

詔禁僧尼受父母及尊者拜以劉祥道為黃門侍郎

知選事

祥道以取士傷濫每年入流之數二千四百有餘內外文武官萬三千四百六十五員約準三十年則萬二千



餘人畧盡矣若年別入流者五百人足充所  
須之數望有釐革而大臣憚於改作事遂寢  
玄宗開元十  
七年流外  
**質實** 劉祥道魏州人林甫之子  
**集覽** 入流注見

**三年春正月詔行新禮**

先是議者謂貞觀禮節文未備故命長孫無忌等脩之  
時許敬宗李義府用事所損益多希旨學者非之博士  
蕭楚材等以為凶事非臣子所宜言敬宗義府深然之焚國恤篇凶禮遂闕

**發明**

禮之所重者父子君臣之分夫婦男女之別閨  
門內外之防而已高宗妻父之妾武氏淫穢宮  
闈三綱已紊而乃詔行新禮又以許李損  
益其間謬可知矣直筆書之蓋譏之也

**夏五月徙安西都護府於龜茲**

初龜茲王布失畢妻與其相那利私通由是君臣猜阻  
互來告難上兩召之囚那利遣左領軍即將雷文成送

布失畢歸國龜茲大將羯獵頭發衆拒之詔屯衛大將  
軍楊胄發兵討之擒羯獵頭誅之乃徙其安西都護府  
於龜茲高昌但  
**質實** 安西都護注見永淳元年高昌西  
為西州都督府域國名注見齊明帝建武四年西  
州注同上  
年高昌

**冬十一月貶杜正倫為橫州刺史李義府為普州刺史**

**實** 一統志云橫州本秦桂林郡地漢為合浦郡高梁縣地  
孫吳分置合浦北郡晉屬寧浦郡梁又分立簡陽郡隋

廢郡置簡州治寧浦縣又改緣州太業初州廢以縣隸鬱  
林郡唐復置簡州尋改南簡州又改橫州天寶初改寧浦

郡乾元初復為橫州宋因之元初改置橫州路尋復為州  
本朝初改隸潯州府尋改為橫縣後復為州改隸南寧府

晉州本漢資中牛軋墊江德陽四縣地梁立普慈郡後周  
置晉州治安岳及置多業縣隋改為普慈縣唐復置晉州

尋增置樂至崇龕二縣改州為安岳郡後復為普州宋因  
之廢崇龕普慈二縣寶祐以後州縣俱廢元復置安岳縣

併安居樂至入馬本朝初復置普州  
領安岳縣後又併州入縣改屬潼川州

通鑑綱目卷四十一  
唐高宗顯慶三年



李義府有寵於上諸子孩抱者並列清貫而義府貪冒無厭賣官鬻獄其門如市中書令杜正倫每以先進自處由是有隙訟於上集覽並列清貫貫籍也皆布清要之官籍也貪冒注見晉惠帝永康

元

**發明**

李義府以貪冒見黜胡不書以罪貶蓋寵而用之者高宗之私也杜正倫無罪亦例書貶何哉

以許敬宗為中書令辛茂將為侍中○鄂公尉遲敬德卒

**質實**

鄂州名注見漢後主建興七年武昌

敬德晚年閑居學延年術不交通賓客凡十六年卒謚忠武

**書法**

書鄂公卒幸之也於是功臣之善終者鮮矣

愛州刺史褚遂良卒

**書法**

書幸之也其不與於四年七月之詔為大幸矣

紀

四年夏四月以于志寧同三品許圜師參知政事

師安州安陸人紹之子

○削太尉趙公長孫無忌官封黔州安置

武后以長孫無忌受重賜而不助已深怨之以于志寧中立不言亦不悅令許敬宗伺其隙而陷之會人告太子洗馬常季方罪赦敬宗與辛茂將勸之季方自刺不

死敬宗因誣奏季方欲與無忌謀反上驚曰舅為小人所間小生疑阻則有之何至於反敬宗曰反狀已具願

陛下勿疑上泣曰我家不幸往年高陽公主與房遺愛謀反今元舅復然將若之何對曰遺愛臭乳兒與一女

子謀反勢何所成無忌與先帝謀取天下天下服其智為宰相三十年百姓畏其威若一旦竊發內外響應陛

下遣誰當之乎上曰朕決不忍加刑於無忌敬宗對曰漢文帝漢之賢主也其舅薄昭止坐殺人帝使公卿哭

而殺之後世不以為非今無忌謀移社稷其罪與昭不可同年而語陛下少更遷延臣恐變生肘腋悔無及矣

上以為然竟不引問詔削無忌官封黔州安置敬宗又

上以為然竟不引問詔削無忌官封黔州安置敬宗又



奏無忌謀逆由褚遂良柳奭韓瑗構翦而成于志寧亦其黨也於是詔追削遂良官爵除奭瑗名免志寧官涼州刺史趙持滿多力善射其舅長孫銓無忌之族弟也銓坐無忌流雋州敬宗恐持滿作難誣以同反召至下獄訊掠備至終無異辭曰身可殺也辭不可更吏乃代為獄辭結奏誅之死於城西親戚莫敢視友人王方翼收而葬之上聞之不罪也銓

**集覽**

乳臭兒言其穉孺猶是口尚乳臭頰師

**質實**

洗馬官名注見晉武帝泰始三年

古曰謂其幼小也  
之事在漢文帝十年社稷注見新莽天鳳元年黔州注見高祖武德三年涼州注見中宗景龍二年雋州注見漢武帝元鼎六年越雋王方翼并州人

### 六月改氏族志為姓氏錄

初太宗脩氏族志升降去取時稱名當至是許敬宗等以其書不叙武氏本望奏請改之以右族為第一等其餘悉以仕唐官品高下為準於是士卒以軍功至位五品者豫士流時人謂之勳格○初太宗疾山東士人自矜門地既脩氏族志例降以等王妃主婿皆取勳臣家而魏徵房玄齡李勣家皆盛與為昏常左右之由是舊望不減李義府為其子求昏不獲恨之故以先帝之旨勸上矯其弊詔山東六族不得自為婚姻然終不能禁其衰宗落譜徃徃反自稱禁昏家益增厚價

### 以許圜師為侍中○辛茂將卒○詔許敬宗議封禪儀

敬宗請以高祖太宗俱配上帝

**書法**

者書議封禪儀有之矣皆公議也未有書詔某人

配果禮矣乎

### 秋七月殺長孫無忌柳奭韓瑗

七月詔御史追柳奭韓瑗柳鎖詣京師敬宗又遣表公輸詣黔州再鞫長孫無忌逼令自縊詔斬瑗奭已死發驗而還籍沒三家近

**集覽**

發驗其真偽

**質實**

見秦始



皇三十三  
年南海

**書法**

於是瑛已先卒書殺何誅心也苟有誅意於其

無忌三人不書官無官也

**發明**

此三人者不以故官書之亦賤之乎曰非也正

書法如此甚其惡也

貶高履行為永州刺史于志寧為榮州刺史

**質實**

永州注見晉武

帝太康元年零陵榮州注見永徽六年

長孫氏柳氏緣無忌與坐賤者十三人于氏賤者九人自是政婦中宮矣

冬十月思結及遣蘇定方討降之

**集覽**

思結注見宋文帝元嘉七年

五年春二月帝如并州考異

下漏還宮一字

申庚

皇右寔親戚故舊隣里於朝堂婦人於內殿頒賜有差詔并州婦人年八十已上皆版授郡君

**集覽**

版授

史炤曰版授謂不加告命以版策授之也漢書楊賜傳割用板之恩注板詔書也

**質實**

并州注見齊明

帝建武四年

夏四月作合璧宮○六月朔日食○秋七月廢梁王忠為

庶人

梁王忠年浸長類下自安或衣婦人服以備刺客又數自占吉凶有告其事廢為庶人徙黔州

**書法**

忠為太子廢不書廢此其書廢何甚帝也立為人故從無罪例書廢所

以甚之也况終殺之乎

盧承慶免質實

幽州人

遣蘇定方等伐百濟降之

初百濟恃高麗之援數侵新羅新羅王上表求救詔蘇定方等率水陸十萬以伐之定方引軍自成山濟海直



趣其都百濟傾國來戰大破之百濟王義慈降百濟故  
有五部分統三十七郡二百城七十六萬戶詔以其地  
置熊津等五都督府即將劉仁願鎮百濟城定方前後滅三國皆生擒其主  
興十年一統志云熊津在朝鮮國城南  
故百濟海口唐置熊津都督府於此

### 冬十月初令皇后决百司奏事

上初苦風眩不能視百司奏事或使皇后决之右性明  
敏涉獵文史處事皆稱旨由是始委以政事權與人主  
矣

#### 書法

書太后决事有之矣秦羊氏齊太史氏未有皇  
后决事者武氏之威高宗成之也故書初志之

皇后决事綱目  
一書而已矣

#### 發明

自永徽五年書立武氏為昭儀次年正位中宮  
至是六七年間政事施設大率皆為武氏而發  
故夫柳奭罷逐緣王后也爵無忌子誘阿附也用李  
義府從表請也貶黜遂良因廷爭也廢太子忠欲立

弘也贈武士獲崇后父也賤王義方庇義府也隔日  
視事專房惟也貶責來韓沮宸妃也崇飾東都從武  
志也專用敬宗賞主謀也竄殺無忌追宿怨也改氏  
族志升武姓也黜逐于高怒中立也駕如并州宴后  
戚也凡若此類其見於綱目所書者不一而足今天  
使之參决政事是則牝雞之晨固不待他年廢立而  
後見高宗至是太阿已去手矣書初令皇后决百司  
奏事謂之初令則是高宗命之也然則唐室之禍非  
武氏能禍之也高宗自禍之耳悲夫

### 龍朔元年夏四月遣兵部尚書任雅相等征高麗

考異 按

例用兵於臣子之僭叛曰征曰討於夷  
狄曰伐曰攻曰擊此當書擊誤作征

#### 考證

征當作伐

任雅相寺及諸胡兵凡三十五軍水陸並進上欲自將  
大軍繼之皇后表諫乃詔班師蘇定方破高麗於涇江  
屢戰皆捷遂圍平壤城高麗蓋蘇文遣其子男生以精  
兵數萬守鴨綠水契必何力至值冰大合引衆乘冰鼓  
譟而進高麗大潰斬首三萬級  
餘衆悉降會有詔班師乃還

#### 集覽

涇江涇普蓋反涇水出樂浪郡饒方

酉辛



通鑑綱目卷之四十一 唐高宗永徽元年 七

縣東入海一曰水出沮水縣 **質實** 班師注見陳後主禎

契苾注見太宗貞觀元年 **質實** 明元年一統志云沮

江一名大通江在朝鮮國平壤城東舊名沮水中有朝

天石唐蘇定方破虜兵於沮水即此 **平壤城** 注見隋場

帝大業八年 **鴨綠水** 注同上年 **鼓**

譟注見隋文帝元嘉二十六年

凡府八州 七十六

徙潞王賢為沛王

沛王賢聞王勃善屬文召為脩撰時諸王鬪鷄勃戲為

檄周王鷄文上見之怒曰此乃交構之漸斥勃出沛府

**集覽** 戲為檄周王鷄文檄刑狄反尺書也一曰檄者陳

為文檄 **質實** 潞州名注見秦二世二年 **王勃** 絳州龍門人福

英王鷄 **質實** 名注見秦二世二年 **王勃** 絳州龍門人福

時之子

鐵勒犯邊詔武衛將軍鄭仁泰等將兵討之 **考異** 此亦當作擊誤

作討後上元元年書劉仁軌討新羅永隆

元年開耀元年書裴行儉討突厥並同

回紇同羅僕固犯邊詔以鄭仁 **質實** 同紇匈奴種名注

泰為鐵勒道行軍大總管討之 **質實** 同紇匈奴種名注

同羅匈奴種名注同上年

僕固匈奴種名注同上年

同羅匈奴種名注同上年

僕固匈奴種名注同上年



資治通鑑綱目卷之四十

資治通鑑綱目卷之四十





